


帶經堂集卷六

欽門人程折校編

漁洋詩六 已亥稿

新城王季禎貽書



聽公戡彈琴三首

秋靜垂簾拂玉琴，紺園風日正蕭森。迴絃更作清商曲，無限瀟湘萬里心。

秋來日日聽長松，天淨雲閒欲御風。一理金徽向

遙夜冷然翻在七絃中。

彈御風操

莫向華陽問廣陵，竹林人去絕音聲。與君更作他年約，黃鵠山中訪戴行。

漁洋詩卷六

過潘進也觀海棠因共弈有贈

風日清秋美都忘，搖落時故人姑射。客名卉錦城，姿岸幘宜高詠。垂簾得劇棋，不因潘騎省。乘馬欲何之。

送張東巖赴汝寧

有美張公子，猶煩佐郡行。山鄰黃歇宅，俗近白公城。鴻鴈秋風起，薜蘿暮雨生。清淮三五月，應為使君明。

戲放弇洲先生足古語成詩二首

簡與禮相背，嬾與慢相成。自緣林壑性，不是學嵇

生

三人持衣裾四人捉坐席頗憶故園時山徑無殘
客

過譚菊澗因憶兗州趙使君

七載相思入夢頻高魚煙樹不勝春今宵共翦燕
山燭却憶靈光殿裏人

送喬元聞赴沅陵二首

欲問辰州路煙波接桂林停帆湘水曲吹笛武溪
深瘴癘天南息丹砂世外尋衡陽望不遠迴雁故
鄉心

三六

漁洋詩卷六

二

楚國青楓晚南帆過洞庭黃陵當極浦斑竹映寒
汀秋入湘妃怨久悲漁父醒因風薦蘋芷為我弔
□靈

九日黑窯廠登高同曹碩菴彭駿孫四首

寒雲蕭瑟古今哀攜客同登萬里臺宮闕蒼茫生

返照山川突兀入銜杯風高九塞悲笳起木落三

關朔雁來惆悵東籬兄弟在故園黃菊背人開

對酒當歌勸濁醪紛飛木葉下亭臯談經江左中

朝貴戲馬彭城六代豪銅鼓雄師開瘴癘朱方新

戍亂波濤蒼然平楚商風裏咫尺雲天首重搔

大漠東來走令支山河明滅影參差滹沱濁浪凌
秋急碣石寒雲出塞悲九日登臺思郭隗十年長
事少袁絲重來擊筑商歌苦菊蕊楓彫又一時
蘭蕙初蓋拂素波佳期眇眇奈愁何憑高且盡燕
姬酒異地長為楚客歌廢苑人稀衰草合諸陵秋
老夕陽多遠遊寂寞湘潭侶欲載雲旗問九河

送懷人下第歸楚兼寄亦世

九月天涯菊有芳送君離思滿江鄉寒楓帶雨臨
漳水秋鴈隨人過漢陽敝履幾年愁北郭公車猶
自滯東方吾家平子聲名久報爾相思擊筑旁

漁洋詩卷六

三

同馬三如源思天寧寺觀浮圖

千載隋皇塔嵯峨俯舊京相輪雲外見珠網日邊
明淨土還朝暮滄田幾變更何當尋法侶林下學
無生

集公猷寺寓贈伯琴上人

上人精
琴理

佳日遲玄度名流見法深高談宛西寺開社即東
林支枕松風晚聞鐘花漏沉還將山水思一問伯
牙琴

賦得江猿吟翠屨送陸子之巴州

為客三巴路迢迢獨夜舟斷猿巫峽暝寒雨蜀江

流合沓來層嶂淒其入暮秋此中腸斷絕莫問楚昭丘

送僧歸苕中

還持杯渡盜言返道場山定識珠璣寂心依玉磬
閒衲衣行雪後溪水出人間苔雲煙波裏花時好
閉關

題杜工部秦州像為梁大曰緝二首

杜陵人不見遺照自輝光離亂經天寶艱難剝草
堂東屯田父宅西閣楚人鄉才子千秋淚青蓮亦
夜郎

漁洋詩卷六

四

靈武中興日秦州旅食年羌戎常雜處崖谷到今
傳意氣凌天馬幽愁拜杜鵑瞻依思往事攬涕一
潸然

寄內二首

跡是遊秦日情非入洛年遙憐香閣裏獨坐理鳴
絃明鏡慚孤影愁妝減舊妍機中兩行淚莫遣溼
吳綿

偕隱龐公婦家風儒仲兒挽車當早歲醜雪及芳
時弱柳垂前戶寒梅發後池曰歸仍未卜悔別易

前期

用皇甫司勳九日懷兄弟韻寄家兄禮吉子

側

吳關征戰後鄉信又經秋已感繁欽思還深謝監
愁雁辭榆塞雪霜下玉河流何事慚鄉里平生馬
少游

初夏北上過訪愚山督學陶齋有詩貽寄久
未奉荅復聞宣城寇亂感懷二首

迴颺起天末落葉滿山城嘉會一相失羈愁自此
生花殘惜湖路雁帶魯門情自枉瑤華贈無由遠
寄聲

漁洋詩卷六

五

三
方
子
烽照青溪柵新林鬪艦多王師殊不戰盜賊竟如
何春穀空煙水梅湖剩薜蘿江南離亂後庾信幾
悲歌

九日同曹顧菴彭駿孫用重陽登高爲韻兼
寄陳子更四首

大漠斜陽裏千山紫翠重寒煙生獨鹿古戍隱盧
龍搖落辭芳樹蕭條起禁鐘故鄉望不見莫上最
高峰

迢遞金風起登臨下夕陽故人皆屈宋秋意似瀟
湘塞上蘼蕪歇江城蘅杜香所思空偃蹇遠道不

勝長

薊丘臨朔漠慷慨此同登古塞三千里荒煙十四
陵鼓笳秋慘淡鷗鶚暮飛騰憑弔悲今昔風前意
氣增

酒人不可見躑躅憶荆高易水流難盡西風萬里
濤山川猶朔塞詞賦且凌蹏邠更黃花晚當杯勸
濁醪

與公弼

偶然辭舊墅復欲遂初衣清潁雲山遠春明客夢
稀寒松當几席流水入琴徽自昔聞通隱陶公詎

憶歸

漁洋詩卷六

六

高奴城歌送顧翊文之鄜州同駿孫作

君不見高奴城蒼蒼橫百里三秦征戰幾千年夕
照荒煙但殘壘武塘頽生才且賢盛年獻賦明光
前即看姓字滿南北却遣無媒之洛川洛川迢遞
三川水淫渭西流去何已登高不見五原人空眺
長城暮煙紫顧生爾豈百里才風塵濶落何為哉
此去且揮白羽扇懷人莫問黃金臺顧生勸爾一
杯酒世事浮雲復何有專城五馬亦不賤漢家況
重扶風守兩年與爾同情親長安客舍仍比鄰一

朝揮手入關去五噫應念高生貧銀河漸稀曉星
沒千騎東方待明發高齋若憶杜陵詩相思遙寄
鄜州月

巴州歌再送陸子同茗文作五首

西望三川紅樹秋秦雲蜀棧兩悠悠此中水似離
心曲天際長懸巴字流

使君擁傳暮春時蜀道花濃錦浪吹雲盡水連巴

子國月明人到竹郎祠

李巖城邊粉水清相如橋外錦江明錦江游女粉
江西南部風流無限情

漁洋詩卷六

七

巴東驛路接巴西薄暮清猿到處啼自是行人聽
不得嘉陵江上草萋萋

巴兒妙舞得人情巴女清歌舊有名碧玉樓中無

吏事垂簾歌舞臥桃笙

巴人以竹
簾為桃笙

題公猷蘇門圖卷

曾學如鸞盲心懷汲縣遊秋清嘯臺月竹映百泉
流小隱何年卜名山一卷收聊當共嵇阮把臂向
林丘

紀事二首

龍旂豹尾急傳呼詔幸昌平出上都復土重增新

宿衛期門先召大句臚

天壽蒼涼石獸陳荒原驚見翠華春
君王淚灑思陵樹玉盃金鳧感侍臣

冬日過金魚池二首

記來劇飲暮春天
絡馬青絲白玉鞭
却倚迴闌望珠箔吳歌趙舞為君妍

折葦荒蒲臨斷岸
暮雲寒雪壓重樓
獨來不見高陽侶斜日煙波迴自愁

無題同彭十駿孫作八首

雲母屏風玉女扉
上清名字見應稀
花浮綺戶初

五七

漁洋詩卷六

八

移鏡香爇熏籠欲換衣
促坐定知寒乍劇
餘魂猶憶夢相依隴西土
計前宵去聽盡瓊籤嬾下幃

堂前七十二鴛鴦
桂樹生花各著行
香霧霏微更乍歇
銀河清淺夜初長
却頭頻促挑鐙坐
帶酒難勝拂簟涼
惆悵青春忽十載
不禁團扇掩啼妝

青瑣蕭晨碧蘚滋
新鶯新絮殿春時
似疎更密蘋花雨
已落猶開豆蔻枝
洛浦神人工拾翠
魏家公子妙彈棋
此中便擬長生約
閨苑蓬山那得知

珠閣金屏暑氣收
深閨午夜待牽牛
三叢繚繞蒲為鍛
七寶光明玉作鉤
天上碧雲方薄暮
人間紅

杜易驚秋壽陽曲水清如鏡那得淮波一處流
輕雷含雨過增城人別金塘花氣清心似西泠松
柏老愁如東冶暮潮生游絲百結空縈恨屬玉雙
飛若有情從此銀河漸迢遞廣寒樓閣罷吹笙
憶昔殘宵有夢通花陰深鎖戟門東三春怨結蕉
心碧五夜愁消燭淚紅親試畫眉明鏡裏詭聞響
櫺曲廊中方山亭下江津水自此蘭橈逐斷鴻
玉階紅藥號將離花信風輕解盡吹淚似湘君留
鳳竹情如園客作蠶絲拚爲蜀纈霑殘粉頭學吳
綾印口脂何日渡江雙桂楫青溪同拜小姑祠

漁洋詩卷六

九

十二瓊樓碧玉居西風消息眇愁予青陵有鵲能
求侶丹水無魚莫寄書鬢影敲斜迴夢後衣香縹
緲洗妝初縱教妙筆煩周昉寫徧生綃恐不如

答別御史大夫龔公兼呈苔文公職禹疏秋
厓周量聖秋石潭紫來黃湄諸君

北府新軍領上遊蕪城歌吹咽寒流浮湛京洛人
將老蕭瑟江關戰未收河朔清樽初送遠竹西明
月獨登樓春來無限隋堤柳攀折何因寄別愁

水心精舍圖爲大司馬梁公賦二首

恒陽城外水煙長萬頃寒波帶草堂夾岸芰荷通

竹里行人疑是輞川莊

洛下名園俱寂寞平泉花木半蕭森公家堂構千
年在水石悠然閱古今

贈別姚子上赴瓊州二首

執手臨期歲欲除朱鷺遙指瘴雲孤歸帆更渡三
湘水叱馭新經九折途瑤戶恩霑天外郡鮫人淚
滴日南珠春來東閣梅花發試問羅浮夢有無
惆悵前期未易逢離筵別酒似春濃清淮霽雪人
千里瓊海蠻煙水萬重去路漸迴衡嶽雁相思同
憶景陽鐘極知歲月閒居好底向風塵老鬢容

二五九三

漁洋詩卷六

十

天寧寺夜宿留別家兄符呈禮吉北山兩兄
共是思鄉客臨岐空復情攬袂謝京邑卒歲返柴
荆旅夢懸浯水孤帆向楚城招提霜月夜相對覺
愁生

再別姚子

白水連沙磧行人欲別難青山將落日立馬幾回
看漢口人煙少荆江夜雪寒那堪更萬里遙去嶺
雲端

留別周量

忍作病中別遂爲千里行征篷辭朔吹急雪黯王

程粵海無消息天涯幾弟兄祇應親藥餌聊以慰
離情

留別公猷并懷甯子二首

君向蘇門去棲遲更幾春悠悠潁川水不見潁川
人

潁水流無極經年少報書淮南紅樹裏相憶復何
如

留別茗文二首

海內談詩日人傳我輩狂遠遊羨宗炳疎懶似嵇
康姓字慚龍腹文章忝雁行橫門今日別攜手已

神傷

二五十五

漁洋詩卷六

十一

客閣如蓬戶招尋數往來叩門落松子折屐破蒼
苔書札朝朝見新醪夜夜開西州消息斷無夢到
寒梅

抵里後作寄家兄

經年河朔客歲晏返空林燈火高堂酒風煙故國
心徒嗟鴻鵠志愁問鶻鷁音早有名山約蹉跎適
至今

銅雀臺送陳竹居歸臨漳

銅雀臺濁漳路臺下悠悠漳水流西陵月照空煙

樹君家門對濁漳濱曾向漳流賦感甄今日相思
那可道年年芳草鄴城春

帶經堂集卷六

四十五

漁洋詩卷六

十二

帶經堂集卷六

月下直平平安安

詩集卷六

帶經堂集卷七

歙門人程哲校編

新城王士禎貽上

漁洋詩七 庚子稿

湖上送愚山督學歸宣城二首

一樽藉芳草離思杳難任
東路風光徧春江日暮
深煙條歷陽樹草閣敬亭陰
四照樓前水相思記
楚吟

漢儒明學日魯壁授經人
闕里諸生舊關門祖帳
新水停梅冶夕山及謝家春
婚宦何年畢清溪共
卜鄰

漁洋詩卷七

澣山二首

書堂高在南山巔日射峰頭生紫煙
昨夜雨消春水漲雲中飛下百重泉
寺裏人看寶誌迴湖邊簫鼓晚仍開撐船直入花
深處雲葉當頭山雨來

贈勞山隱者

何許藏名地秦山海上深
半夜白日出風雨蒼龍吟
靜侶行道處不聞樵采音
清泠魚山梵寂寞成連琴
曉就諸天食暝棲蒼蘆林
因知安居法一契無生心
我亦山中客悠悠悔陸沉

太和莊作

林薄稍縈帶溪流清且長人家埽殘雪雞犬臥朝陽
石路初迴曲前峰轉鬱蒼子真思谷口涉此悔行藏

遙送魏推官赴成都

昔君送我去隋堤隋堤柳色垂青絲我今送君之
錦里錦城花叢岷江水岷峨山高入雲上應井絡
垂星文羌秦久判黃龍誓獯蜚常懸赤甲軍白鹽
赤甲三城戍十年割據蠶叢路父老雖悲望帝魂
公孫終為當塗誤年來巴蜀漸消兵玉壘嵯峨

漁洋詩卷七

二

綿洛清賓人楚女登堂舞纓部水兒負弩迎使君
本自三吳彥清忠家世人爭羨詞賦誰邀漢主知
風流却許文園見褒斜亂後少行人劍閣連雲最
苦辛楊花飛處經新雨杜宇啼時過暮春知君壯
游恥拘束定有高文傳諭蜀板楯蠻歸益部平登
臨放酒春江曲蜀江吳水不通潮曾共黃壚貫紫
貂秋來獨對蕪城月憶爾成都萬里橋

再送魏推官兼寄蜀中故人

送爾居然萬里行東風殘雪照離旌啼猿曉渡青
衣水落木秋臨白帝城益部山川皆秀麗華陽士

女最聲名漢南親故如相憶共聽渝歌一愴情

賦得春草碧色留別

南浦人將別西洲草正芳含煙拂流水將思結垂
楊蘭澤誰當采天涯路正長離愁紛似汝終古在
河梁

澠水上留別家兄太液禮吉子側暨諸猶子

二首

靡靡卽長道鬱鬱難具陳人生重離別况乃骨肉
親官橋水邊柳征夫衣上塵相眎宛將別含意何
由申昨宵一堂宴明日千里人且復緩須臾佇立

長河津

幼穉羣牽衣問我歸何時我行越江介會合寧詎
知長河漂母墓春樹淮陰祠此行多感激念爾復
傷悲登車不成別淚下如懸絲

寄二幼妹

高堂送遠淚霑裾賴爾加餐慰倚閭故里鶯花三
月暮行人消息大雷書

臨朐道中作二首

芳月辭鄉去汀洲徧綠波高堂念行李遠客渺關
河地入朱虛古山連青社多明朝穆陵路目斷北

鴻過

野水春風起青山落日斜雲嵐生近壑鳧雁聚圓
沙迢遞鄉程隔縈迴別思賒吾家長白曲兄弟各
天涯

午睡過穆陵關覺後感成二首

崎嶇驛路萬重山鄉夢猶能夜夜還忽聽竹雞驚
午枕白雲已失穆陵關

穆陵關南煙草愁穆陵關北棟花秋關門鎖斷清
溪水不寄離心向北流

渡淮作

源洋詩卷七

四

凌風下淮口舟子暮相催杳杳水天合蒼蒼葭蕩
來帆飛公路浦鳥下淮陰臺亦是乘槎客中流思
轉哀

懷曰緝

忽有都門信聞君廢蓼莪愁驚時序改涕為故人
多楚樹通梁苑隋堤接汴河何時共尊酒腸斷五
噫歌

露筋祠

放舟湖上水檣楫女郎祠往蹟行人說清風古牒
垂畫衣生積蘚荒徑颯靈旗叢竹香蘋路依稀近

九疑

邵伯舟中

一望遙天闊茫茫泛夕槎樹分甃湖水月上楚人家
野戍寒蟲亂迴堤古廟斜蕪城前路近宮柳欲棲鴉

高郵雨泊

寒雨秦郵夜泊船南湖新漲水連天風流不見秦
淮海寂寞人間五百年

寶應

畫舫垂楊千萬絲淮南江北斷腸時誰堪此夜青

源澤詩卷七

五

天月碧草濃煙宿射陂

淮安新城有感二首

澤國陰多暑氣激一城烟靄晝霏霏春風遠岸江
籬長暮雨空堤燕子飛四鎮蟲沙成底事五王龍
種竟無歸行人淚墮官橋柳披拂長條已十圍
開府當年據上游建牙賜爵冠通侯即看別院連
雲起更引長淮作帶流荒徑人稀鮒鼬嘯野塘風
急荻蘆秋永嘉南渡須臾事忍向新亭問楚囚

劉堡雨行

寒色起菰蘆川光晝有無天低寶應縣雲壓射陽

湖淺澤魚龍蟄
高空雁鶩呼
春來添肺疾
撥悶強
枝梧

大觀閣上眺白馬湖

千仞憑欄俯射陂
亂帆暝色去何之
鐘聲遠出寒
林寺
白馬湖頭落日時

界首驛寄家兄

楚天風送采菱舟
菱葉青青稻葉秋
兄弟相思二
千里
木蘭亭北驛南樓

雨中陳園聽歌

舊蹟鄰螢苑
登臨遠恨生
不辭衝雨到
兼作摘船

二九四〇

漁洋詩卷七

六

行水市垂楊合
重樓玉笛清
隋宮有遺曲
惆悵若
為情

沈家渡

平蕪鶴脚綠濛濛
十里輕帆逐便風
遙指吳陵城
已近斜陽小市水車紅

瓜洲道中有感

垂楊垂柳拂關河
白舫朱樓映逝波
春雨蕪城寒
浪靜夕陽京口暮
山多雷塘事去空
禾黍螢苑人
稀
罷綺羅
欲向江頭頻望遠
不堪灑淚石城歌

雨舟偶成

推篷失清曉渺渺雜人煙夜雨迷黃浦繁花滿白
田漁家杭稻外野寺鷺鷗邊慚愧垂竿叟長謠過
我前

江上懷汪程劉三子兼寄家兄西樵二首

佛壯談詩登祕閣

周量小字時聞舍人之命

液仙趨府算錢刀

茗文

別號還思阿戩歸清潁仕隱無端愧汝曹

天寧佛火共淹留千里驚逢落鴈秋何處憑欄望

西北暮雲明月滿蕭樓

冬杪與家兄別于天寧寺

六月七日舟中乍涼試筆二絕句

蘆荻何蕭疎風日始清美葉葉隔林帆秋心滿煙

水

茆屋映迴汀漁罾挂高樹秋氣感人懷况近陳琳
墓

珠湖風雨懷家兄西樵禮吉子側

竹屋秋燈每劇棋共聞山溜下荒池而今老作江
南客獨聽寒蘆夜雨時

送傅彤臣御史按江右

早傳封事動螭頭當代修期譽最優江介烽煙初
攬轡中流慷慨獨登舟雲霞近出秦人洞詞賦重
開帝子樓欲寄離心章貢水廣陵濤色不勝秋

送陳冰壑往江陰

君從白田來相逢話疇昔高齋聽疎雨流連坐清
夕朝來掩關臥復送江南客何處寄相思潮迴廣
陵驛

玉隨編修貽詩奉答三首

平山堂下放舟時醉倚蘭橈雪滿絲笑我支離頻
臥閣藥爐禪版正參差

琅琊山間明月谿風流遺蹟醉翁題君家兄弟避
人處南隱之南西澗西

花影當堦鶴唳長得君七菽喜顛狂曲江八月秋

漁洋詩卷七

八

風起坐看洪濤白鷺翔

七發洪淋淋焉若白鷺之下翔

江上寄程崑崙二首

白浪金山寺青山鐵甕城故人今不見楊柳作秋
聲

江北望江南祇隔江津水日暮寒潮生愁心滿揚
子

余澹心寄金陵詠懷古跡詩却寄二首

千古秦淮水東流遶舊京江南戎馬後愁殺庾蘭
成

鐘阜蔣侯祠青溪江令宅傳得石城詩腸斷蕪城

客

再過露筋祠

翠羽明璫尚儼然湖雲祠樹碧于煙行人繫纜月初墮門外野風開白蓮

有憶

瓊姿幾樹映潺湲曾向花源夢裏攀羯鼓一聲傳碧落畫樓九曲近青山如聞紫玉懷新侶不惜明珠市薜顏今日白蘋江上望斜風細雨下邗關

七月七日舟中晚晴二首

蜺蜺湖邊菡萏紅金釵澗上蕩絲風故園紈扇驚

二方老七

漁洋詩卷七

九

秋早銀漢迢迢一道通

小別鄉園千里餘廣陵病客近何如年來秋思逢蕭瑟無復參軍舊曬書

邀巖子問徵君子餐都諫方貽孝廉集依園

客從南屏來衣上煙霞斑落帆廣陵郭願我虞清閒置酒蓮葉上鳴琴竹林間池引汴河水樓觀瓜步山清秋有明月留醉莫言還

落日

落日下長川揚舸去安極不辨水禽聲十里菰蒲色

公臧自穎上寄書并寄姬人束素傳賦答

我愛清潁水君家清潁亭風流及樵牧蹤跡付沈
冥遠道勞書札寒江問客星何因瑤瑟怨中夕感
湘靈

文選樓懷古

何處登臨起暮愁蕭梁人代幾悠悠心悲寶誌詩
中語淚灑維摩江上樓玄圃風流人已盡蕪城日
落草先秋銷沉古蹟遺書在佛火寒鐘對暝流

賦得隋堤柳

邗溝南望是金城更指隋堤百感生撩亂飛花春

漁洋詩卷七

十

晝晚淒迷江曲候潮平弩臺雨過連莎影水殿秋
來起鴈聲猶為君王鎮憔悴大堤如雪不勝情

韓侯釣臺歌

西風吹淮水倒流落颿一弔淮陰侯棘叢藤蔓斷
碑蝕三尺釣臺成古丘嗟昔英雄悲蓐食垂竿惟
悴無顏色壯懷不屑典連敖形容安用時人識一
朝騰蹕起風雲登壇突兀驚三軍帝子晚能知大
將漂母早解哀王孫雲蒸龍變陳倉道京索榮陽
疾於埽已聞傳檄定三秦拔幟還驚下全趙丈夫
生即為真王崩通豈必謀非臧食人之食死人事

不知鳥盡良弓藏左右早能分楚漢雲夢之遊可
三歎全身惜不如文成意氣殊羞伍絳灌千秋鍾
室淚滂沱乃公感激大風歌夷黥醢越事已矣縱
有猛士當如何雉離宮中恨終古白日蒼茫照淮
楚有酒但酌韓侯臺不洒長陵一坏土

卽事

十里田田荷芰風漁舫如葉出花中鵝兒湖北煙
初暝背指明霞幾縷紅

自淮上歸維揚病中雜興六首

昨登韓侯臺臺空雜荆杞不及子陵臺突兀桐江

二乃五十一

漁洋詩卷七

十一

水

東漢臧子源慷慨申大義荒祠枕寒潮誰復千秋

祀

古人去已久但見文游臺鴨鵝深秋裏啼聲夜夜

哀

東指楊絲港西望秦蘭河女兒不學繡盡唱竹枝

歌

名伯湖如鏡遙連甲仗樓江東名宰相陽夏最風

流

錦纜空寒水垂楊祇暮鴉秋來更腸斷風雨玉勾

斜

山光寺

故隋北宮

舟過山光寺西風柳漸彫
隋宮零落盡秋水迢迢

送李方壺暫還松江即赴南寧

斜陽對京口送子去江東
歸櫂青楓外家山綠橘
中十年耽故隱萬里逐飄蓬
地勢三江會人煙八桂通
楚峰名落雁粵水號秋風
冬實枕榔碧春花荔子紅
語音蠻峒異伏臘棘纛同
下瀨初休戰磨崖待勒功
若過銅柱側莫讓伏波雄

三十一

漁洋詩卷七

十二

修復雙烈祠

寶應祀漢臧洪陳容

炎德旣銷歟羌戎亂神京
洛陽泣銅狄日望關東
兵黃巾未殲滅黑山勢
縱橫淮南有布衣思扶社
稷傾進說廣陵守慷慨
酸棗盟素張乖末路同袍
戈矛生磊落東郡長淒涼
東郡丞掘鼠饗諸將白
日照忠貞一時兩烈士
意氣奪幽并我來安宜縣
懷古緬儀刑空祠出蝙蝠
枯木飛鼯鼯荇花被寒
渚秋蘚翳山楹有司罷俎
豆居人薦蓴羹斷碑重
拂拭鼓簷理茅荆三歎陳
記室空傳千載名

子源與孔璋生

同里臧有客陳

琳書詞義嚴正

薛戶部招飲湖心寺樓酒間索詩賦贈

高樓百尺臨淮起乘興登臨坐秋水右顧增城煙
浪中左眺湖光暮雲裏薛公三十何堂堂談兵說
劍皆老蒼便可相從軹井里短衣射虎西山岡

寄薛戶部索画

寂坐清淮煙水間誰將雲壑破愁顏知君作畫師
黃鶴試寫江南雪後山

真州道中

蕪城西望人煙遠秋風斜日蟬聲晚青草迷離野
渡橫行人指點隋家苑

二万五千

漁洋詩卷七

十三

青山

晨雨過青山漠漠寒煙織不見秣陵城坐愛秋江
色

江上二首

揚子津頭鴈影遲建康城畔柳如絲秋來無限傷
心色況值鑿江暮雨時

吳頭楚尾路如何煙雨秋深暗白波晚趁寒潮渡
江去滿林黃葉雁聲多

即目

蕭條秋雨夕蒼茫楚江晦時見一舟行濛濛水雲

外

方山

泊舟方山港弔古方山亭隋宮羅綺盡石上蘚痕

青

瓜步眺望

眺遠空江上雙峰列翠屏莓苔瓜步碣風雨石帆
銘黛色迎船綠嵐光潑櫂青戰場悲太武濤氣晚

冥冥

皇廠河

鳧雁被沙洲沿洄一徑幽萍花紛曲岸竹色壓迴

一乃七字

漁洋詩卷七

十四

流晚鼓滄江戍人家白板樓好乘瓜蔓水溪上問
漁舟

瓜步道上作

佛狸祠邊苦竹叢符融山外桂枝風隔江暮雨秋
千里愁聽西風白下鐘

帶經堂集卷七

帶經堂集卷八

歙門人程哲校編

新城王士禎貽上

漁洋詩八 庚子稿

雨後觀音門渡江

飽挂輕帆趁暮晴寒江依約落潮平吳山帶雨參
差沒楚火沿流次第生名士尚傳麾扇渡踏歌終
怨石頭城南朝無限傷心史惆悵秦淮玉笛聲

夜登燕子磯

渡江訪名山層巔到曠黑大江森欲動浩浩千里
色把炬石燕飛燃犀潛蛟匿北望靈巖塔知是專

漁洋詩卷八

諸邑悲慨下雷襟此意誰當識

宿弘濟寺曉登觀音巖眺望

擊楫凌滄洲投宿招提境入門優曇香聞鐘夜方
永高枕聽濤聲層軒抱江影曉來微雨過紅葉滿
高嶺憑欄見萬里雲物殊清迥長山去蜿蜒上流
歷江郢海門控金焦蒼煙翳朝景信美睇山川霸
圖遞煙冷何如學無生抗跡雲峰頂

曉雨復登燕子磯絕頂

岷濤萬里望中收振策危磯最上頭吳楚青蒼分
極浦江山平遠入新秋永嘉南渡人皆盡建業西

風水自流灑酒重悲天塹險浴鳧飛鷺滿汀洲

再題絕句

琳宮碧樹俯寒流漠漠江天葉葉舟偶愛扳曾坐
巖石柳絲飛落釣人頭

雨中望雞籠山

金陵城北雨濛濛山色波光遠近中見說後湖烟
水盡誰能拄頰望雞籠

寄一靈道人

聞師江海去幾日剡中還昨朝逢越客知下沃洲
山

二十九世二

漁洋詩卷八

二

寄崑麓

青溪竹林寺日暮竹林深雪後無人跡哀猿時一
吟

送爾成從兄赴屏山四首

朝下譚侯命聞開棘道新青衣流萬里黃綬及三
春古寺餘唐壁荒城半峒民山山杜鵑發鄉思想
露巾

西轍來賓日中郎建節秋開山通大鹿徼水過旄
牛官橘千頭樹兵蘭萬仞流無悲邛笮遠猶是古

梁州

浮槎窮黑水懸索度朱提祀古傳金馬江清見石
犀芋田荒歲改火井戰場迷此去文翁化牂牁罷
鼓鼙

揚子津頭水懷人萬里橋褒中連棧道益部上層
霄六詔風煙近三巴尺素遙一為江海別兄弟各
蓬飄

寄彭十

蕭寺鐘殘時燕山霜落夜對牀語清夕流連不知
罷落葉一紛飛離鴻遂南下激浦近青山依稀見
君舍

五十六

漁洋詩卷八

三

送念東侍郎

搖落三秋後逍遙五嶽初金庭許玄宅林屋丈人
書闕跡已終古探奇得未如歸來遠入境應是作
樓居

題徐半山山居圖二首

先生竟學道自製水田衣獨卧寒林靜故人相見
稀晚涼松鼠落曉日竹雞飛亂葉千峰裏行歌何
處歸

濃淡寫山木依稀聞亂流雲中敬亭月煙際宛谿
舟身預名僧會裝成五嶽遊邈然巖壑裏長嘯憶

丹丘

半山愛子寒江落潮之句為作圖愚山題詩

其上和荅一首

我昨訪奇登燕磯
潑墨深更徧巖壁
捫蘿附葛不知險
夜踏空江欲崩石
掀篲作畫鹿裘翁
長嘯題詩宛陵客
何當結屋圖中居
臥看江天落潮白

久病初出東門登舟

鶯花搖落廣陵郭
野塘欲雪天蒼浪
水雞野鴨避彈射
蘆折葦如連檣
江南數帆去不息
金焦落日明朱方
我行東征更北首
吳綿豈足凌嚴霜
且復鼓柁南渡江
梧宮秋氣悲吳王
洞庭橘柚千樹黃
蕤絲柔滑勝蔗漿
鱖魚橙片不論價
暫可劇飲忘他鄉

冬曉高郵舟次

野鴨鳴漁村
霜清知天曉
開牕一長望
湖氣何宵渺
煙寒遠樹稀
水落沙洲小
昨泊秦郵城
明及安宜道
搔首泥湖陰
漁樵可終老

雪泊韓侯臺下

漂母祠前雲欲垂
淮陰城外暮鐘時
寒林蕭瑟炊煙靜
野水蒼茫鸛鶴飢
亭長功名終古盡
假王事

業幾人悲荒臺雪下寒流急國士傷心醉一卮

高郵逢繩東表兄歸菑川

共作淮南客相逢甓社湖荒林收暮網凍水折寒
蘆感別愁方集懷歸歲欲徂自傷流滯久且復立
斯須

冬曉渡江

江南雞唱早舟子報潮生估舶聞人語沙洲落雁
聲寒煙瓜步水雜樹潤州城重鎮南徐地茫茫恨
不平

登金山二首

漁洋詩卷八

五

振衣直上江天閣懷古仍登海嶽樓三楚風濤杯
底合九江雲物坐中收石旆落照翻孤影玉帶山
門訪舊遊我醉吟詩最高頂蛟龍驚起暮潮秋
三山縹緲望如何有客褰裳俯逝波絕頂高秋盤
鶴鶴大江白日踏鼉鼉冷泠鐘梵雲間出歷歷帆
檣檻外過京口由來開府地不堪東望尚干戈

金山題壁

淨業菴前竹樹圍妙高臺畔落霞飛閒身回憶三
生事曾乞雲山舊衲衣

蒜山

龍宮開別島石趾入江深水接南灑近山連北固
陰寄奴空壁壘公瑾罷登臨願盼英雄盡東流自
古今

丹陽三首

夜火丹陽郭移舟暫解維川涂紛雨雪彌望遠淒
其戍鼓蘭陵鎮荒煙葛令祠五湖行漸近杳杳欲
何之

無悲烽火後勝蹟古雲陽陵墓南朝舊山川東路
長豐碑吳季子名歎謝中郎憑弔逢搖落前途轉
鬱蒼

漁洋詩卷八

六

曲阿二後湖路百里望南徐解纜從漁父臨風誦卜
居慶亭孫朝射虎練水暮觀魚如此堪終老窮愁悔
著書

夜行丹陽道中

倦客浮家道路長吳楓夾岸入江鄉暮雲畫角辭
京口曉月啼烏過練塘臘近江南彫綠樹年來兵
氣動朱方建康舊重丹陽尹弔古今來思渺茫

毗陵道中雨

曲港迴汀暗野橋斜風吹雨暮蕭蕭江南烏桕紅
千樹望斷春申浦上潮

夜泊有懷同家兄子側

蘭陵城邊楓樹蒼芙蓉圩上雨淋浪估帆競落孤
舟暝那得逢人問故鄉

吳季子廟下作

我行延陵城懷古心菟結讓施邈已遠流風緬曩
哲州來季當立高懷寧詎屑躬耕表遐志亮哉子
藏節慕義永無窮穹碑字難滅所悲於潛役國亂
相更迭伍胥進勇士專諸踐王血遜位固高義復
命忍臣列春秋不名賢書札理當晰嗚呼三代後
斯風久淪絕廉節起頑懦尚論義常竊縞紵思古

漁洋詩卷八

七

人空祠颯寒雪

毘陵歸舟

泊船西蠡河解纜東城路涼月澹孤舟遙村隱紅
樹杳杳暮歸人悠悠渡江去

丹陽十字碑

延陵風義著勾吳十字千年映練湖却去闔廬城
畔望可憐麋鹿滿姑蘇

丹徒鎮

舟過丹徒鎮霜楓夾岸稠潮迴揚子夕山接秣陵
秋斜日低帆影輕寒閉水樓江城多戍壘哀角動

新洲

泊京口

西日鷓鴣堰晚潮鸚鵡塘泊舟新月下回首憶丹陽

潤州懷古二首

楚雲直下大江流鐵甕城高落木秋宋帝南徐猶
作鎮蕭公北顧更名樓江山勝蹟留三國海道烽
煙動五州見說孫盧西犯日青燐白浪使人愁
興亡六代已銷沉對此茫茫思不禁黃鵠山頭寒
雨暝佛狸帳外暮濤深兵聞北府千年勁雲入西
津一片陰興劇且傾京口酒三山披豁足開襟

杜鵑樓

十三松已化龍虬藥鉢名花去幾秋天竺數莖紅
似染蕭條猶映杜鵑樓

招隱寺

筍輿越黃鶴連岡帶平楚歷歷南朝松風吹落寒
雨石楠紅始垂沙泉碧方吐遂造戴公山風氣何
清古山門映殘照雙泉咽寒嶼玉蕊不復見空亭
閉荒塢戴公昔通隱風流照巖戶漱泉彈名琴東
巡動人主清風一銷歌初地留空宇金碧漸彫殘

林壑自軒舉蕭條黃葉落寂歷幽禽語迴澗起涼
吹經堂罷齋鼓緬想剡中人蒼茫久延佇

昭明讀書臺

王孫讀書處梵夾自蕭森無復維摩室空餘雙樹
林荒臺梁碣盡夕景楚江陰古像悲猶在風流不

可尋

昭明小
字維摩

由招隱登夾山入竹林寺

籃輿俯高嶺石磴轉幽谷諸峰亂空翠澄江疊輕
縠迴望戴公宅秋氣益蒼肅紺壁隱奇杉危亭蔽
荒竹孤僧遠獨歸山鳥暮相逐樹杪見古寺松栝
散林麓絕壁尚千尋紆逕非一曲初蠟阮公屐逝
將訪金粟暝坐竹林深山山靜寒綠

竹林寺

迢迢夾山道幽幽竹林寺林公闢山處泉澗饒古
意鐘磬聞諸天花藥覆平地森梢萬竿竹煙景滿
空翠慈烏識禪心清猿起愁思平生江海情蕭然
但高寄回首禮白雲何時謝塵累

林皋和尚塔院觀林公泉

祖堂白雲裏峒崑俯林樾昔人不可見巖桂花猶
發惟有林公泉涓涓漾明月

竹林寺題壁

日暮南山裏山僧遠獨歸竹林覆殘雪石磴掩荆扉
行道花常落焚香鳥自飛京江泉壑好朝夕在清暉

象山觀音菴

夾道皆修竹幽禽止下飛蕭條臨曲岸蒼翠滴人衣
曉嶂青千疊晴江碧四圍買山何必遠此地足忘機

吸江亭觀落照

返照入長江江流自平遠坐眺愛青山白雲獨歸

漁洋詩卷八

十

晚

尋瘞鶴銘

我思華陽人古銘傳瘞鶴披蘚下崩崖天寒水方落

與崑崙古樵即事

了了松間月泠泠石上泉焦仙祠外望山色杳江天

贈古樵道人

入院逢枯木尋山問古樵
樵推何處在試聽海門

潮

枯木堂唐枯木禪師所居

晚登焦山

長松古竹覆山根，小艇探幽破蘚痕。枯木堂中齋磬晚，水晶菴外大江昏。洞開三詔臨青壁，浪打雙峰矗海門。醉下高巖尋瘞鶴，寒濤激石暮崩奔。

焦山曉送岷崙還京口

山堂振法鼓，江月挂寒樹。遙送江南人，雞鳴峭帆去。

海門歌

岷峨東下江水長，遠從井絡來吳鄉。奔濤萬里始一曲，古之天塹維朱方。北界中原壯南紀，魚龍日

月相迴翔中流一鳥號，浮玉登高眺遠何茫茫。長空飛鳥去不盡，江海一氣同青蒼。山外兩峰遠，奇絕雙闕屹立天中央。左江右海辨雲氣，如為八裔分紀疆。江流到此一縛束，早潮晚汐無披猖。燭龍曉日出雲海，山光照曜連搏桑。年來海戎未停罷，我舸大艦來汪洋。胡豆洲前起烽火，徒兒浦上披衲襠。古聞京口兵可用，寄奴一去天蒼涼。我顛此山障，江海七閩百粵為隄防。作歌大醉臥巖石，起看江月流清光。

別焦山

帆影乘流下泠然別梵音相逢乞食侶未愜住山
心紺殿明松日清江映竹林永懷焦處士千載濯
塵襟

登北固絕頂多景樓

金焦一擢乘風下放眼來登北固樓梁帝旌旗寒
浪沒孫郎勳業甕城秋千層臺閣凌雲起萬疊江
山拍座浮自到三山清興極便乘暇日坐銷憂

海嶽菴拜蘇米二公像

前輩風流地爲菴易研山淨名猶故蹟磨衲識清
顏江月長如此高人去不還惟應餘翰墨終古照

二乃七十一

漁洋詩卷八

十二

人間

瓜洲渡江二首

昨上京江北固樓微茫風日見瓜洲層層遠樹浮
青薺葉葉輕帆起白鷗
揚子橋頭雞未鳴瓜洲城外日東生風波不憚西
津渡一見金焦雙眼明

玉山夜歸

渺渺空江路人歸獨夜舟迴看玉山暝遙下石牌
流佛塔鈴相語漁篷火未收霜天聞擊柝鬢歸辨

瓜洲

送楊集虛歸盱江

聞君讀書處門對金船峰齋閣花時雨寒林定後
鐘諸天朝共食樵客晚相逢入洛思前事還山遯
去蹤凌煙拂鸞鶴散髮弄芙蓉板渚潮痕落邗江
酒思濃談經時有暇為寄別來棕

登銀山絕頂

直到銀山高處行長江波浪午時生盤迴閣道空
中出層疊雲峰掌上平下瀨朱旗依戍亂高飛白
鳥過江明荀郎持節年猶少容鬢臨流轉自驚

郎鎮京口日年二十九子少兩歲耳

漁洋詩卷八

十三

瓜洲子園二首

于家園子俛江濱巧石迴廊結構新竹木已殘魚
鳥盡一池春水綠憐人

風寒江上草萋迷閒踏春泥過澗西一樹冬青青
不改映門猶自照清溪

飲秋厓環溪別業

撥櫂淮陰城停帆射陽曲故人千里歸山家酒初
熟夕日隱寒雲澄波映蒼竹欲去還復留依依別
林麓

送毛吳江

別思徘徊溝水頭
君行幾日到蘇州
白鷗飛處停官舫
碧嶂晴時見郡樓
橘柚寒雲千里暮
煙波返照五湖秋
垂虹亭畔萼絲美
一向江東寄遠愁

憶焦山別峰菴

煙消日出見江南
雲木參差映曉嵐
曾向焦仙祠外望
至今留憾別峰菴

抱琴亭

寒叢響凍禽
曲檻鳴修竹
幽人獨抱琴
雪壓池邊屋

帶經堂集卷八

帶經堂集卷九

歙門人程哲校編

新城王士禎貽上

漁洋詩九

辛丑稿

迷樓懷古二首

東都無復翠華游，樵牧千年識廢丘。
錦纜銷沉餘落照，垂楊憔悴覆寒流。
祇今清楚留初地，自昔迷藏有舊樓。
回首穠華盡黄土，斷煙渺渺見邗溝。
鳧舫雞臺蔓草荒，偶尋故蹟一沾裳。
綺羅何處空隋苑，風景依然在蜀岡。
桃葉陳兵猶旦暮，楊花聽曲益淒涼。
景陽宮畔臙脂井，江北江南總斷腸。

漁洋詩卷九

第五泉

西憶峨眉雪，高寒萬里心。
蜀岡汲春水，猶是峽中音。

同諸公訪栖靈寺

平山堂外柳如煙，古寺同尋第五泉。
風靜鐘聲臨岸曲，雨晴山色隔江天。
雷塘有徑生春草，板渚無波作墓田。
惆悵隋唐一彈指，不如初地老棲禪。

平山堂作二首

廣陵城北早春時，寂寂東風柳未垂。
不見歐公遊賞地，荒亭片石使人悲。

偶來折柳向平山幾樹柔條未忍攀一種輕黃江
水上依依曾照昔人顏

上方寺訪東坡先生石刻詩次韻

附跋

昔出蜀岡道黃葉鳴秋蟬今來上方寺綠萼破春
煙坦步寶帶側延眺隋城顛古刹龍象寂殘碣蛛
絲懸緬思峩嶠人文采真神仙贈詩日南使賓佐
皆豪賢邈然竟終古漱墨留春泉老筆欲飛動妙
態殊便娟空堂響人語怖鴿飛聯翩後遊慨今昔
憑弔當同然

寺有泉
名第一

右大蘇先生送李孝博使嶺表詩凡十韻碑在

漁洋詩卷九

二

上方寺斷仆已久鐵厓道人猶及見其墨澤謂
風骨過顏柳不在二蔡下今年春維舟竹西別
墅步往上方尋此石所在拂拭出之摩娑三歎
如與公晤言酬唱於當日而信廉夫之言不虛
也歸舟取元韻次之并刻石斷碑之側云

大風渡江望金山

冥冥互父山浩浩揚子津風波不可渡愁殺峭帆
人

京江夜雪

揚子津邊揚片席暮角聲傳京口驛北風一夜江

上寒鴻鶴山頭雪幾尺去年曾上春秋樓蘆花楓
葉如清秋何當踏雪三山頂第一江山萬里流

寺有宋吳琚題榜
曰天下第一江山

甘露

丹徒行弔宋武帝

曲阿之北京口東寄奴王者真英雄新洲伐荻殺
龍子大業遂建丹徒宮桓家小兒亂天紀投袂勤
王夜中起擣菹百萬皆人豪龍行虎步非凡理從
茲大運屬彭城中原趙魏歸經營硤口千軍五龍
涸藍田一戰二嶠平南北推移幾千載太息雄圖
竟何在宿麥寒原少昔人神鴉社鼓成空塞王氣
銷殘帝宅荒悠悠江水不勝長忠臣徒歎素開府
天命還歸蕭建康

呂城雪霽二首

雞鳴呂城鎮日出市橋東雪屋迴汀口煙檣野竹
中鳥飛皆貼水舟泛若乘空古蹟成荒壘行行慨
阿蒙

午夜雲陽道扁舟狎老漁神亭雪幾許直瀆路何
如煙水懷前侶江湖未定居斲橋叢樹裏何處卜
吾廬

奔牛道中寄毛吳江

南望思橫扇伊人在具區愁心與江水日夜下東
吳采采春方至堂堂歲又徂寄書初見雁念別豈
思鱸前路臨申浦相思滿太湖問梅玄墓寺濁酒
待君沽

舟暮

向晚金牛道林寒響宿禽雪晴煙樹小日夕竹園
深川路通蕭港扁舟動越吟蘭陵今夜酒無那故
鄉心

懷家兄西樵禮吉同子側作

安穩蒲帆挂北風江村雪後夕陽紅燕山錦水千

漁洋詩卷九

四

重路香草河邊起暮鐘

櫂歌四首

有序

昔人云今之竹枝詞雖鄙俚尚有三緯遺
意有先以欸乃發聲而後歌者有旣歌而
以欸乃為餘音者其聲清遠其意悽愴舟
行丹陽道中戲成櫂歌四首令舟人歌之
猶元次山湘中之欸乃曲耳

潤州城北江水流丹陽城下甯河舟江船風浪多
顛險河船安穩不須愁

觀音山在官河旁山外長湖是練塘山邊驛卒過

津鼓湖上人家插稻秧

犇牛鎮接呂蒙城大雪連朝人不行
簫鼓喧喧南復北驛夫牽纜候雞鳴

柵口旁邊是妾家門臨秋水照菱花
朝來卜得南陵信鷓鴣雙飛上釣槎

梁溪道中却寄毗陵故人

落日梁溪道西風客子顏平蕪
眺天末遙見九龍山頗憶春申澗
無人夜潺湲如何攜逸侶雪後此躋攀

夜過梁溪不得登惠山

漁洋詩卷九

五

毗陵一櫂午煙分薄暮江城伴水雲
欲試名泉陸桑苧未看林際春
申君風塵十載身將隱洞壑千重
思欲紛此去伯通橋下過五噫
回首復何云

澔墅舟中眺陽山殘雪

日出陽山外參差見幾峰
依稀露烟靄窈窕明雲松忽憶梅花
發清溪深萬重扁舟欲乘興杳杳暮天鐘

懷駿孫時讀其從姑幼玉遺詩

鳳脰燈寒共帝城銀河小院語
平明蜀川消渴人如昨洛水微波
賦競成窈窕武原春嶂遠迢迢江

浦暮潮生謝娘柳絮班姬扇欲問仙源上玉清

虎丘二首

闔廬霸業夕陽沉鐘梵空山自古今劍去虎丘青
嶂在水枯鶴澗碧苔侵吳宮歌散聲猶苦越絕書
成怨不任惟有生公臺畔石年年白月照禪心
登臨一上可中亭疊嶂回巒面面青昔日山堂誰
說法至今片石尚精靈四圍竹翠晴猶滴萬壑鐘
音晚更聽乘興探梅竟忘返白公堤外雪冥冥

闔廬墓

劍池春水日清虛石壁臨風弔闔廬於越行成誰

漁洋詩卷九

六

狡獪夫椒往事重欷歔飄零王氣傳金虎寄冥空
山葬玉魚太息恩讎竟何在荒臺青草認姑胥

虎丘雪浪軒眺望

高閣滴春雪溪山如畫圖輝輝浮震澤靄靄眺吳
都遠近清暉合瓏璵碧樹扶諸天坐來暝香積下
飢烏

五人墓

流連虎阜遊宛轉山塘路石門映迴波英靈此中
聚滿壇松桂陰落日青楓樹生傍伍胥潮死近要
離墓千秋忠介墳鬼雄誓相赴酌酒拂蒼碑寒鴉

自來去

姑蘇懷古三首

爭長黃池未濟師，餘皇舟已徙熊夷。山川終古迷
商魯，花草千年怨種蠡。故國魂銷吳苑水，行人腸
斷越溪絲。竹枝聲裏春將盡，破楚門東暮雨時。
斜日停橈喚奈何，橫塘聲散采蓮歌。青山古道通
閶闔，綠黛春風憶芡蘿。廢苑愔愔花欲暮，長洲淼
淼水空波。千金枉鑄鴟夷像，烏自高飛避網羅。

山徑何時葬玉鳧，興亡轉瞬日西徂。越人已自籌
三策，秋祭當年竟五湖。雨過麋城空碧草，春深鶴

三五十四

漁洋詩卷九

七

市半青蕪傷心更有南陽宰，不獨寒潮泣子胥。

文種

歎曰南陽之宰而為越王之禽

將入鄧尉答余澹心

十載鍾山隱，逖棲聞君高。臥在南谿浣花舊，事誰
能繼。桃葉新詩手自題，白苧風流擅江左。青山梅
信隔曇西春宵，一別閭門權酒盡。橫塘烏夜啼。

夜雨題寒山寺寄西樵禮吉二首

日暮東塘正落潮，孤篷泊處雨蕭蕭。疎鐘夜火寒
山寺，記過吳楓第幾橋。

楓葉蕭條水驛空，離居千里悵難同。十年舊約江

南夢獨聽寒山半夜鐘

通安橋舟中

煙鬟紛出沒濃綠潑行舟
竹葉藏山塢梅花映水樓
平生一丘想今日五湖遊
颯颯蒲帆駛風烟直似秋

虎山擅勝閣眺光福以雨阻不得往

虎山橋畔盡層松掩映寒流古
寺紅却上重樓看
鄧尉太湖西去雨濛濛

由光福里入太湖口往聖恩寺

扁舟下西崦森森入湖口
逶迤鄧尉山蒼茫具區
數南來仙靈窟玄墓號稱首
銅井連青芝雲錦張
左右七十有二峯遙矚皆培塿
貝闕敞魚龍金庭
開戶牖仙壇毛公蛻古笈
靈威守名境祕聞見勝
遊信非偶巘峒時合沓
龍氣殊蚴蟉擊楫泝空明
濯纓遠塵垢將來萬峰寺
半偈持茗帚

雨夜宿聖恩寺還元閣

梅樹初花石澗流滿山香雪
送行舟三更蕭瑟湖
邊雨百尺高寒水上樓
師子窟中嵐翠合法華山
外暝煙收霜天欲曉
鯨音起萬壑聲從何處求

還元閣聽雨懷太湖

冥冥遙峰雨黯黯重湖雲萬壑急懸溜颯沓聽難
分山中梅信發香色方氤氳已蠟阮生屐將墊林
宗巾身臥百尺樓心憶五湖濱笠澤渺千里漁村
雜鷗羣園綺緬非遙逝當返吾真

曉起登梵天大悲諸閣望湖山

雲中聽雨登高閣煙外凌空俯太湖林屋仙人招
欲出鷗夷高士遠堪呼離離螺髻行相映渺渺漁
舟看漸無更憶潭西最明迴青山滿眼眺姑蘇

二峰閣
在潭西

漢月和尚塔院

漁洋詩卷九

九

門外娑羅樹湖邊修竹陰講堂宿雲影塔院寄空
林碑記中興蹟溪流常住心名衣傳法地妙相此
中尋

山中寄子側時阻雨許墅舟次

平生兄弟遠遊心世外玄棲約共尋澗道名花任
開落湖天春水半晴陰何山往事思求點五嶽前
期負向禽遙憶孤蓬宿煙雨青芝南望白雲深

即事

雨過長旂嶺花開朝士塢時見雨中人遙遙隔花

語

由拈花堂至竹深處與諸道人茶話

昔日靈山會迨傳至今漢公開講席重此闢香
林結宇萬峰頂安居雙樹陰拈花無漏學擊竹妙
明心祖印一何遠孫枝皆十尋禪關閉窈杳曲閣
俯蕭森積雨琅玕裏依依暝翠沉

玄巖又
名萬峰

冒雨自法華鐘樓尋米堆山

僧樓鳴鐘罷徘徊向山路遠眺米堆山蒼蒼積煙
霧溪澗窅然深岡巒緬非故千重修竹林一徑江
梅樹花香上寒衲石流溼芒屨山靄接湖雲日夕
自來去迢迢五雲洞欲問誅茅處

由米堆山下行至上楊村錢家礪望湖中漁

洋法華諸山

杖策信忘疲行行畫圖裏崎嶇下雲壑蒼茫望煙
水石徑何盤紆疎籬照梅蕊寥落重湖濱柴門數
家市居人太古風但解數雞豕語我種植法敦樸
有奇理冬作多晏眠春寒常晚起雖非角里儔頗
謂桃源比逶迤到湖濬浩渺歎觀止震澤控三江
波瀾此方始法華表東陸漁洋正相似煙雨春空
濛峰巒暮倣詭昨朝梵天閣遠眺如隱几豈知方
丈山忽落芒屨底欲乞五湖長垂釣將已矣

晚坐雨花橋看梅

寒湖望已遠迢迢暮歸寺修竹隱山門金碧眩空
翠清溪枕飛梁花氣增明媚綠萼紛競發翠羽時
一至拈花悟禪心作賦識仙意高低垂繁條明滅
見湖次縹緲吹笙人消搖布金地微微蓮花漏蕭
然遠塵思

玄墓竹枝詞八首

二月梅花爛熳開遊人多自虎山來新安塢畔重
重樹畫舫青油日幾迴

左連光福右真珠南北湖山總畫圖四十里中花
作障人家多半住花鬚

漁洋詩卷九

十一

渠儂家住上楊村烏鉢峰青恰對門纔過焙茶梅
又子風光何似武陵源

鄧尉山頭片雨晴司徒廟下晚潮生却登七十二
峰閣玉柱銀房相向明

西施洞望米堆山夕翠朝煙擁髻鬟不道鴟夷曾
載去至今人在五湖間

西來銅井又銅坑山勢高低有二名試上龜峰光
福塔白波翠巘兩邊生

楓橋估客入山來艤子多從木瀆開瑤瑤冰盤堆

萬顆西林五月熟楊梅

綠黛遙浮玉鏡間峰巒千疊水彎環居人却厭真
山好玄墓南頭看假山

題四宜堂留贈剖石道人

古德開山歲月深威儀入寺更沉沉雨花不散維
摩室金粟常飄祇樹林豎拂縱橫千佛義上堂鐘
鼓六時音水田製就從師日古塢寒香許再尋

下山遊聖恩下院復入奉慈寺看梅

住山已寂寞下山更惆悵西望竺山陰窈窕勢難
狀別院寄深幽空阿起樵唱稍東奉慈寺名藍鬱
相望碑記乾道年塵翳梵王相法雨來四山慈雲
起層嶂瀑布巖下落石溜花間漾樹疑梅檀林人
行蕊珠上依依向山靈碧湖一舟放

登光福寺塔望穹窿靈巖諸山懷古

昨登擅勝閣遙遙見湖濱聚沙矚高妙珠露高由
甸山趾理歸權中流望嶙峋鈴鐸天際語獅象雲
中蹲攬衣造峰頂大千俯微塵悟彼解脫義得此
清淨身名山繚四隅出沒媚煙晨眺遠跡方遐懷
古情彌辛采香已荒徑菱歌尚含顰館娃一片石
千載爲霑巾迴身望胥口落日悲孤臣

玄墓歸答李戶部

落拓江鄉歲月賒
芒屨竹杖且天涯
青春弔古吳王苑
綠嶂探幽鄧尉花
兩眼水雲誰作主
五湖鷗鷺便爲家
何能共醉寒香裏
悵絕清溪笠帽斜

登惠山寺

古寺南朝蹟
花時汗漫遊
泉疑申澗雨
松照蠡湖秋
伏氏青山宅
吳田碧水流
九峰春正好
悵望此

林丘

江淹歷山詩別鶴哭
吳田惠山古名歷山

惠山送友人往陽羨

復泊雲林櫂
孤篷正晚寒
春泉流錫麓
暮雨向銅

五十七

漁洋詩卷九

十三

官東道花將發
南陵雪未殘
明宵遙憶汝
罨畫與誰看

帶經堂集卷九

帶經堂集卷十

歙門人程哲校編

新城王士禎貽上

漁洋詩十 辛丑稿

入春申礪第一曲訪愚公谷

已探鴻漸泉遂訪愚公谷名園倚申礪登頓窮九

曲春雨響寒山入門亂飛瀑疊閣瞰迴巒廣池漱

明玉振衣仙的樓憑高放遐矚五湖林際白九峰

雲中綠山陰菩提場名香奉天竺中構甄叔跣 堂名

六通宛相屬 齋名 逶迤禮塔坪遙連璨山麓樹作曼

殊花人宜水田服南登肆志臺因憶黃公躅 橋名石公隨履

三百廿五

漁洋詩卷十

處 迴眺青羊野森疎盡喬木紅梅破珠林叢桂飄

金粟緬懷愚公日精藍此新築清流吐茵席名纓

間絲肉蕭晨金谷遊薄暮平泉宿風流百年盡電

光一朝促林壑生蠟蛸竹箭任樵牧憑弔問浮雲

榮落如轉轂來者復為誰臨風悲玉鹿 園舊名蜀顧氏名玉鹿玄丘

第二泉和涪翁韻

春山細雨三人俱藤笈親攜桑苧書縛亭甃石幾

年事至今浣沼噴明珠山人形癯味道腴九塢不

老將焉如軍持銅鉢此生畢買田即傍芙蓉湖

題春申礪

桃夏遺宮廢章華蔓草生但餘流水意如聽女環
琴

春申磧上

望磧亭邊野望新明流秀嶂碧粼粼青山終古連
秦塢珠履何年問楚人冰雪倒懸三峽水風煙遙
接五湖濱李園已事成荒草太息空祠一愴神

聽松菴

碧山夜來雨孤松鬱蒼質石上流白雲松間拂瑤
瑟

惠山下鄒流綺過訪

漁洋詩卷十

二

雨後明月來照見下山路人語隔谿煙借問停舟
處

歸鶴詩為紫陽道人賦

海上有胎禽昂藏聳高格偶爾戲芝田依然避彈
射故居近水竹山中多白石華表月明時依稀見
歸客

仙山石室歌送丁子

朝望九仙山暮望九仙山九仙秀插碧雲裏五色
照曜當天關金光黛色拂雲海勢與三山相向背
拂衣下令邈不還石室寒煙至今在藤蘿作壁石

作扉手種蒼松皆十圍巖香寂寂青桂落雲氣陰
陰玄鶴飛輞川陸渾不可見鄠杜名園倏更變何
如石室千年存猿鶴曾逢昔人面紫陽仙人歸草
堂麻姑園客同翱翔琅琊臺畔吾家在北望仙山
思故鄉

題竹亭梅花盛開因憶玄墓之游

荏苒花朝近春寒坐竹亭疎梅香細曲檻雨冥
冥玄墓千花白吳煙萬岫青別來今幾日蹤跡付
飄零

真江曉菽懷古二首

漁洋詩卷十

三

又菽真州路江村正薄寒春愁聞撥櫂往事憶迎
鑾山色經新雨沙痕失舊灘東風如有意送客上
長干

中原爭戰日五馬渡江秋幕府開江左琅琊奠石
頭白門空夕照赤岸自春流又見漁邨柳飛花攪
客愁

江上望青山憶舊二首

揚子秋殘暮雨時笛聲雁影共迷離重來三月青
山道一片風帆萬柳絲

長江如練布颿輕千里山連建業城草長鶯啼花

滿樹江村風物過清明

江行大風作歌

大江浩浩東南流連山雪浪來蔣州英雄千古竟
已矣眼底空悲孫仲謀鮫室潭潭日將暮榜人嘯
呼出煙霧擊楫洪流一放吟風前恐有蛟龍怒

江行

九派來吳會三江下楚關微茫失瓜步清切望巓
山晚戍烽臺白春花戰血斑從來天塹地鐵鎖至
今闕

風便過燕子磯

漁洋詩卷十

四

隔年重過石頭城悵望危磯百慮縈病咏何堪傳
樂府空亭髣髴辨題名子去秋題詩磯上丹崖翠壁遙相映

山柳江梅暖更生猶是六朝春草色萋萋煙雨怨
清明

訪紀伯紫

閒踏春泥著屐來煙波百曲孝侯臺柴門徑僻少
人跡門外野棠花亂開

題丁翁秦淮水閣和牧翁先生韻

遲日秦淮花氣新鶯飛草長媚殘春流觴往事經
寒食邀笛風流憶晉人丁所居在邀笛步上白社百年餘故老

青溪幾曲隱閒身
南朝第宅消沉盡
草閣蕭蕭未厭貧

和牧翁題沈朗倩石厓秋柳小景

官柳煙含六代愁
絲絲畏見冶城秋
無情畫裏逢搖落
一夜西風滿石頭

再題丁翁水閣

風日秦淮好淹留
及暮春樓中花的的
檻外水粼粼
柳色濃陰合
檀痕密坐親
江山幾興廢
白髮見遺民

同丁繼之泛秦淮

漁洋詩卷十

五

武定橋邊晚放舟
飛花片片逐迴流
新詩欲賦江潭苑
中酒還登孫楚樓
十里雲霞朱雀暝
三春風雨白門秋
他年小築能相傍
定向秦淮古岸頭

秦淮雜詩二十首

年來腸斷秣陵舟
夢繞秦淮水上樓
十日雨絲風片裏
濃春煙景似殘秋

結綺臨春盡已墟
瓊枝璧月怨何如
惟餘一片青溪水
猶傍南朝江令居

桃葉桃根最有情
琅瑯風調舊知名
即看渡口花空發
更有何人打槳迎

三月秦淮新漲遲千株楊柳盡垂絲可憐一樣西
川種不似靈和殿裏時

潮落秦淮春復秋莫愁好作石城遊年來愁與春
潮滿不信湖名尚莫愁

清淮微月映湖牀玉笛悠悠春漏長下渚偶然三
弄罷步兵終古屬桓郎

青溪水木最清華王謝烏衣六代誇不奈更尋江
總宅寒煙已失段侯家

御溝碧水鴨頭新流入秦淮更幾春舊苑至今零
蔓草枉將遺事弔隋陳

三十一

漁洋詩卷十

六

當年賜第有輝光開國中山異姓王莫問萬春園
舊事朱門草沒大功坊

新歌細字寫冰紈小部君王帶笑看千載秦淮鳴

咽水不應仍恨孔都官

弘光時阮司馬常以吳綾作朱
絲關書燕子箋諸劇進宮中

舊院風流數頓楊梨園往事淚霑裳樽前白髮談
天寶零落人間脫十娘

傳壽清歌沙嫩簫紅牙紫玉夜相邀而今明月空
如水不見青溪長板橋

新月高高夜漏分棗花簾子水沉熏石橋巷口諸
年少解唱當年白練裙

小姑居處本無郎白石青松可斷腸便使仙人逢
玉斧已無西浦杜蘭香

緩鬢愁妝別樣新文殊着映午痕勻洛成不用輕

梳掠自有文犀號辟塵

舊院盛時競尚蜜犀簪也

玉牕清曉拂多羅處處憑欄更踏歌盡日凝妝明
鏡裏水晶簾影映橫波

北里新詞那易聞欲乘秋水問湘君傳來好句紅

鸚鵡今日青谿有范雲

雲字雙玉有紅鸚鵡詩最佳

舊事南朝劇可憐至今風俗鬪嬋娟秦淮絲肉中
宵叢玉律拋殘作笛鈿

漁洋詩卷十

七

十里清淮水蔚藍板橋斜日柳毵毵樓鴉流水空
蕭瑟不見題詩豎阿男

男有秋柳句云樓鴉流水點秋光

西曲吳歌子夜聲齊梁舊部可憐生如何北地燉
煌樂一夜流傳滿石城

贈林翁茂之

一月淹留邀笛步泥滑天陰春欲暮山人忽自乳

山來芒屨訪我青谿路愛君坐君朝爽閣敘述同
游慨今昨早年曾賦槌鼓行東海屠君許述作

赤水

鼓山高會瞰雲海摻槌壯氣相噴薄霜山三弄悄
無聲廣場萬人色寂寞屠公揮槌下千仞眼底衣

冠殊落落直前握手頽林生少年爲我試盤礴酒
酣落筆驚四筵從此聲名動京洛吉祥寺裏梅花
時名流裙屐相攀追澹園老人典型古弱錦帆仙
令風骨奇中郎即今轉盼六十載古寺荒涼空斷碑
焦袁墓木已成拱夢中猶記共論詩壯歲遠遊過
碣石雅與鍾王共晨夕伯敬西極夫子文太青談
鋒如弩左右射欲往太華尋玉井更上天門探寶
冊濯髮趺突之飛泉近在君家海東宅舊游彫謝
歸江東三山舊業圖書空華林宮殿盡禾黍望仙
樓閣成飛蓬以此感歎歸乳山山中土美多甘泉

漁洋詩卷十

八

修竹森梢遶泉側四山環抱皆雲烟老妻已歿葬
于此便作生壙終殘年山中藤子榦如鐵斲之作
杖老且堅老夫提攜便登陟窮厓絕壑能攀緣十
年不復入城市著書盈萬藏山巔故人零落畏開
卷新知寥闊誰復憐感君斯言動慷慨滄海三變
成桑田中朝名士晨星盡監門老子空豪賢松顙
石骨自磊砢洪厓負局應拍肩恨不相從乳山裏
汲泉採藥雲中眠

長干寺

門外長干道林端鍾阜雲浮圖插霄漢臨眺絕人

羣宮闕秋聲合滄江曉勢分高臺元咫尺花雨日
氤氳

木末亭作

曉登木末亭南望新林浦煙嵐紛四圍三山渺何
許旭日麗飛甍雲物媚晴澈風景在江山離宮半
禾黍願瞻金川門悲來不能語惟餘博士祠正氣
留終古

登木末亭拜方正學先生墓

石子岡頭木末亭振衣千仞攬青冥遙看江色紫
新練迴眺山光列翠屏古墓松杉悲靖難高臺花

三芳亭

漁洋詩卷十

九

雨罷談經未須憑弔傷今昔且繫長干雙玉辮

長干絕句四首

高樓夾淮水十里盡朱欄春蘭一花發香徧小長
干

欲向長干寺還登木末亭雲中一江白煙際萬峰
青

繡閣隱芙蓉屏掩瀟湘綠少小住長干解唱長干
曲

三月襄陽去音書好寄將江潮不相負朝夕到橫

塘

仙人洞訪無用和尚

落帆草屨夾尋路入山谿窈寂仙人洞迢迢翠靄
西老僧坐深闌猿鳥絕攀躋晚食炊楓葉名衣翦
稻畦門前楚江淨座下嶽雲低相對離言說依依
去思迷

守風燕子磯

刁騷夜雨打吳榜三日南風燕子磯安得滄波如
匹練便乘輕舸去翻飛長江巨石想飛動漁燈戍
鼓相因依棲霞咫尺不能到白下古城春又歸

江上

漁洋詩卷十

十

水餐復水宿淹留更何事暮雨楚江邊人歸草堂
寺

燕子磯阻風寄丁繼之四首

醉別冶城花醒見棲霞樹浦口晚潮生江天數帆
暮

十日秦淮水聞歌敞綺櫳流連江上別多謝石尤

風

西下建康舟揚舲去安極惆悵江干人朝朝看風

色

客向秦淮去春波雙鯉魚知過邀笛步為寄數行

書

登觀音閣眺望

幕府山頭晚吹涼，登高望遠極蒼茫。
濛濛夕照開棠邑，葉葉風帆下建康。
畫閣臨江飛鳥外，丹崖拔地暮雲旁。
娑羅花散香林淨，坐聽微鐘出上方。

大風渡江四首

鑿翠流丹杳靄間，銀濤雪浪急潺湲。
布帆十尺如飛鳥，卧看金陵兩岸山。
紅襟雙燕掠波輕，夾岸飛花細浪生。
南北船過不得語，風帆一霎剪江行。

三五五

漁洋詩卷十

十一

幕府山前三日留，老僧相見石門秋。
今朝回首江南望，無數雲煙在上頭。
連山噴雪浪嗟峨，片片乘流竹箭過。
憶昨傷春三月暮，江東門外柳枝多。

清明曲

花朝節後雨如麻，寶障河邊水似紗。
十二紅欄捲珠箔，滿城香送玉蘭花。
燕子初飛春社時，隋皇故苑裊烟絲。
北方風物南中少，不見秋千雙畫旗。

答趙友沂長沙書

洞庭木葉眇愁予，龜策從誰問卜居。上巳一春風
雨夢，瀟湘三月故人書。零陵水遠多香草，漣浦情
深贈揭車。莫評凌雲舊詞賦，文園淪落病相如。

題余氏女子繡浣紗洛神圖二首

溪水粼粼見浣紗，苧蘿春色玉人家。絲絲繡出吳
宮怨，碧石清江是若耶。
明珠翠羽魏宮妝，洛水微波渺正長。欲寫陳王舊
時恨，唾絨兼做十三行。

鶴柴新成

修竹陰陰白鶴歸，一聲清唳露霏微。何年得訪浮

丘去御爾真，凌碧落飛

劉郡丞餉鮓魚歌

江南四月櫻桃紅，筍芽出土千萬叢。江村漁具中
流集，銀鱗撥刺網不空。截流布網金山側，一尺霜
腴數金直。感君匕箸不相忘，遠自江南寄江北。

午日觀競渡寄懷家兄兼答辟疆感舊之作

風景蕪城畫扇時，輕陰漠漠柳絲絲。三年京雒無
消息，五日江鄉有夢思。空對魚龍懷楚俗，誰將蘅
芷薦湘纍。故人不見東臯子，騷些吟成但益悲。

龍舟曲二首

越王舊事盛隋堤，歲歲龍舟簇仗齊。
夾岸明妝紛照水，酒船飛送玉東西。
楚俗空傳在廣陵，沉湘哀怨漫相仍。
眼前咫尺梅花嶺，誰與招魂薦郢冰。

寄素翁籜菴

謝傅登冶城，本自高世姿。
君家冶城下，手把梅花枝。
我客青溪隔，桃葉聞君高。
咏梅花詩，石厓秋柳那見賞，令我惆悵東風時。

亦極嗟賞

端午後二日渡江三首

漁洋詩卷十

十三

南徐煙柳正堪攀，岸闊潮平一霎間。
忽見船牕移塔影，披衣急起看金山。

中郎遺贊焦山石，況有華陽逸少書。
斟酌三山吾老矣，定從處士卜蝸廬。

京口三山刺眼青，褰裳濡足昔曾經。
飄飄何處凌雲意，試上荀郎舊日亭。

京口遇季霖北歸

爾向錢塘去，忽忽那便迴。
西陵詩繾綣，北固望徘徊。
返照人煙集，樵風戍鼓催。
心悲千里別，回首妙

高臺

潤州寄張公選考功程岷崙別駕

天塹橫分吳楚長
臨流百感集茫茫
人馮水閣收殘雨
山隱江光淡夕陽
祠近佛狸曾弔古
愁如洗馬自神傷
年年枕上雙峰影
舊約金焦未敢忘

江上有懷

江流淡無際
塔影挂晴空
川歇西津雨
山明北固虹
紫顛銷霸業
錦里颯寒蓬
千古魚龍宅
鐘聲出梵宮

一九九

漁洋詩卷十

十四

帶經堂集卷十

帶經堂集卷十一

歛門人程哲校編

新城王士禛貽上

漁洋詩十一 辛丑稿

揚子江上懷友鴻滇南

宿雨初晴楊柳津南徐風日競鮮新五州霽色浮
揚子六管蠻煙憶故人江過盤龍誰設險山迴金
馬舊多神虛疑博望乘槎去目斷昆明又幾春

登瓜洲大觀樓見月懷西樵

帆影落瓜洲高城四望秋迴颼聞玉笛涼月滿江
樓清切三山影流光萬里愁有懷謝希逸江左思

漁洋詩卷十一

悠悠

舟次懷爾成從兄蜀中二首

江下岷峩雪浪平秣陵西望旅魂驚離心已畏瞿
塘險更去牂牁萬里程

憶共吟詩西射堂青天蜀道兩茫茫廣陵未遠巴
江水朝夕春潮到蜀岡

蜀岡在揚州西北誌云水與蜀通故名

題雪舫

畫檻文牕窈窕成浮家泛宅去來輕行隨江樹陰
涼遍坐覺炎天水雪生鷗鷺鳧鷖遙共浴蘅芳蘭
杜解相迎老當置汝金焦裏醉喚南宮倒載行

遙望玉山寺二首

遙望玉山寺帆檣如芒檉南風有底急朝暮使潮
生
遙望玉山寺石壁峭千尋客帆衝險過鳥影入江
深

寄鄧尉剖石道人

最難忘處還元閣坐卧層巒疊嶂圍修竹萬竿陰
講席梅花千片點僧衣洞庭煙雨春如夢笠澤漁
蓑晚竟違終作都維那弟子一瓢一鉢遠峰歸

憶虎丘鶴澗

漁洋詩卷十一

二

清遠道士養鶴處人去亭空鶴不飛千古清冷一
勺水至今猶浸白蓮磯昔遊曾記仙靈語奇絕白

雲菊欲歸

白雲菊欲歸青松忽
消半清遠道士詩也

答繼起道人寄虎丘志

吾家短簿東西宅今是生公祇樹林頑石解通三
昧義維那照徹九州心春波鶴澗曾相憶暮雨琴
臺渺未尋方外勞君寄消息青鞵東望旅情深

答李民部鄧尉見懷二首

盤螭山下春帆凍千樹梅花雨雪時君到題名師
子窟却從江北寄相思

楓橋夜雨催船鼓
玄暮春風著地花
別後夢魂常繫此
吳雲楚樹渺天涯

和家兄無題詩

底事關心不自持
閒情終日遣相思
屏張瑋瑁橫波後
鏡挂珊瑚繆額時
錦水文魚名比目
衛羅靈鳳號長離
與卿一作盤塘別
明月青谿有夢知

送孔祠部出守金華

別君春水上孤櫂
去東陽五月雙谿
路雲山入越長相
思隔南北清咏憶
齊梁玄暢樓中客
新題好寄將

送丘曙戒侍講謫判瓊州兼寄姚子上推官

二首

學士文章洛下尊
嶺南此別愴離魂
舟浮瓊海千重浪
春到黎人第幾村
瑋瑁城中閒卧閣
桄榔菴畔急啼猿
相逢寄語江陵子
放跡珠厓是主恩

雪中送我廣陵城
東閣梅花彩筆生
何意西清還罷直
正逢南粵乍銷兵
珠娘襪裏蠻歌細
黎母香中瘴雨晴
海外山川遙待汝
千秋文筆兩端明

子來

揚州曙戒作東閣梅花行贈別

家兄恭奉

世祖章皇帝尊謚詔使山西寄懷一首

世祖神靈遠春官謚議崇天書下霄漢使節入雲
中詩記唐風古山看代郡雄諸侯虔負弩父老哭
遺弓絳水河津塞青城避暑宮塞帷過趙魏作賦
倚空峒成禮汾陽郭還原岱嶽東舞衣萊子舊懷
橋陸生同東閣梅先落西堂草正叢錦湖足鱸膾
隋苑湛江楓北望三千里離心託雁鴻

送榮洞門奉詔福建

親捧天書近御墀皇華遙下百蠻知舟經越水多
文石人及楓亭薦荔支漳浦戈船方下瀨閩天風
物好探奇軺車若問丹青閣九曲還應到武夷

送家兄子側歸里同舟至淮陰即次有作六首

菰蒲獵獵水悠悠溪閣迴橋覆亂流風物滿前吟
不得淮南江北送歸舟

帆影已辭瓜步樹人家漸近甕湖煙別來好記聞
鶯地八寶城西是白田
前程畏說近淮陰無那風帆去不禁今夜柁樓聞
玉笛清淮真與淚痕深

共賦寒山寺裏詩故園兄弟軫離思那堪握手淮

陰驛却憶寒山夜雨時

曾攜雙屐問三山
潑墨江樓落照間
拂袖却愁東路遠
蟬聲孤驛穆陵關

回首殘春白下行
江村桃柳作清明
歸來獨聽鑾江雨
一夜愁絲兩鬢生

清江浦與子側別後作三首

弭櫂指江浦北見黃河
流黃河去蒼茫落日風颭
颭一望腸百結况君遠行
游驪駒宛已駕榜人具
行舟此去量難挽且頭須
臆留寸心千萬端欲語
中若抽攬衣一再拜涕下
不可收隕涕復相送遵

漁洋詩卷十一

五

渚暫夷猶光景不我待
噉啜倏已邁忍淚竟揮手
佇立望遙洲仰視中林鳥
哀鳴聲相求與君本一
身形影為匹儔少小同寢
食彈指三十秋

兄年三十
予亦二十

有八豈知更世故中各悲沉
浮君去指錦湖我歸返

揚州音旨日已遙川涂日
已修昨者韓侯臺傷離
共寒篝今日如夢寐得似
昨日不我心與清川終
古同悠悠弟兄譬手足人
命如蜉蝣何為苦別離
悵矣行歸休

黃河東北岸是向鍾吾道
鍾吾何茫茫連天盡衰
草念君舍我去展轉傷懷
抱落日野煙昏古戍荒

雞早知君念我心晨夕常繚紹回首楚天長悠悠
託飛鳥憶我嬰危疾沈憂怒如禱喜君千里來相
思乍傾倒愁病霍然已復得顏色好聚首歷冬春
對牀淡昏曉麟洞共題名虎丘展游眺為歡不及
歲往迹去如埽君歸慰慈親北堂稱壽考我獨滯
江淮形容日枯槁人生重兄弟友于以為寶三復
鵲鶴詩車輪腹中遶別離如茹荼仕宦真集蓼何
如學耦耕貧居以終老

使從河北來得君別後書封題淚痕滿腸斷當何
如書中三百字字字心盤紆祝我加餐飯念我多

三五卅

漁洋詩卷十一

六

病軀寄我河梁詩未讀先歛歔首尾數百言言盡
思有餘反覆一唱歎灑血霑衣裾氣結不得語思
鬱不能舒古人亦有言同心而離居憂傷以終老
痲疾何由除

茱萸灣懷家兄

雨歇茱萸灣返照村墟夕淮水去悠悠何處還山
客

許雙峒重建太白樓於采石遙寄

常懷牛渚西江夜回首開元去不留天上已歸宮
錦客人間何處謫仙樓使君登眺能懷古江閣風

煙迴散愁遙憶蛾眉亭上月何時鯨背醉高秋

竹枝二首

朝從明鏡拂菱花暮向平湖指落霞十扇畫船如
屋裏金釵澗上是儂家

浮家紅杜泛江蘼金屋藏嬌總未知生近石帆山
下住十三嫁與弄潮兒

沈家渡晚泊憶子側已至宿遷

忽見長川新月明泊舟又近海陵城行人今夜鍾
吾驛愁聽黃河萬里聲

寄嚴州

漁洋詩卷十一

七

秋水初波枕畔流欲將情思寄嚴州京江斷鴈隨
人遠杜曲濃花入夢愁夜雨回眸留傳粉清晨中
酒看梳頭富春此去千餘里何處天邊風露樓

登舟

十里雲霞色城隅晚放船江城明落照漁浦颯風
烟玉鏡遙相映金沙劇可憐數行隋苑柳蕭瑟入
秋天

初秋舟中作

官舫垂簾雜夕薰自將吟卷對鷗羣年來喜有樵
青侶不用旁人識使君

宜陵

寥落青蕪晚進船
明霞起處水生煙
斷雲斜日宜陵道
一路臨風聽暮蟬

排悶

學劍學書都未成
行年三十一狂傖
孤篷聽雨江南岸
駿馬追風代北城
文社酒徒曾浪迹
山村水寺徧題名
前身憶是維摩詰
洗鉢還應過此生

夜別彤臣却寄

白沙江上獨揚舲
風物依稀入杳冥
十里銀河連積水
三更螢火亂繁星
清樽牢落愁中汎
錦瑟淒

漁洋詩卷十一

八

迷別後聽憶爾中朝
舊驄馬相思好記竹西亭

懷洞門入閩

七夕涼風吹客顏
仙霞嶺外度重關
桂花欲黃榕葉碧
思君夢遶江郎山

舟次二首

鳴蟬出深樹飛鷗向前浦
何處插秧人柳陰來擊鼓

船牕不見日演漾出菰蒲
歸牛脫羈鞅時過烟中

墟

新城舟中

風色汀蘭靡川涂遠樹晴陂塘非一曲水竹亦交
縈浙浙樵風起蕭蕭水鶴鳴煙浮葭菼密日入石
潭清芳序過休夏滄浪愛濯纓蕭晨辭板渚斜景
辨江城山近迎鑿碧潮連建業生賞心肆遐矚攬
物悅幽情眺聽臨秋迴雲帆拂鏡平朱陽三百里
好爲訪茅盈

梁家灣卽事二首

白舫青簾聽櫂歌眞州斜日暮蟬多幽人拂簟攤
詩卷童子臨流折芰荷宛轉迴塘浮畫舸檀欒修
竹映蒼波過江山色佳如此曾記清秋到薜蘿

漁洋詩卷十一

九

日下林塘夕氣清霏霏煙照遠村明落帆幾點連
鴉色漁網千羣亂櫂聲赤岸揚舲如昨日青山卜
宅負平生山人少日能吳咏且櫂扁舟載酒行

眞州道中絕句二首

返照在船頭新月出船尾玉沙何粼粼清暉滿葭
葦

河漢有風露夜涼川上秋幽人攬明月一櫂下清
流

眞州城南作

眞州城南天下稀人家終日在清暉長橋漁浦晚

潮落曲港叢祠水鶴飛新月初黃映江出遠山一
碧送船歸白沙洲上樓臺靜好與提壺坐翠微

真州南郭泛舟

出郭江山好行吟步履斜稻苗香積水竹葉隱漁
家遙見江南樹時逢洞口花拏舟新月上直至長
風沙

坐容園山洞青若因言義興張公洞之勝

壘石依江郭修篁五月涼盤迴入靈洞窈窕度飛
梁空響沙湍集微颺石燕翔因思離墨勝遙指善
卷鄉地肺通幽闌仙蹤叩渺茫何時具區上及爾

覓銀房

題二冒子詩卷兼寄辟疆四首

桃葉山前秋復春金陵往事已成塵當年廚顧東
京客零落如君有幾人

林塘自闢小三五聳叟風流得似無歷歷酒徒坐
洲島便教題作石魚湖

扁舟萬里獨探奇南紀浮湘到九疑丘壑胸中君

自有柳州文筆謝公詩

辟疆刻康樂游山詩柳
州永柳小記皆自評注

伯子才華庾鮑同中郎獨步擅江東開來尺許新

吟卷要使狂奴拜下風

秋夜舟中和吳四玉隨四首

林塘三日清言罷，忽共牽舟東渡頭。
半醉題詩向明月，微波風露入新秋。

鳴壚斜日森碧篠，人影參差曲澗頭。
頃刻疾書兩丸墨，山蟬墮樹數聲秋。

翰林兄弟皆名士，南隱山連北隱頭。
及第紅綾分餅日，閉門黃葉著書秋。

鏡鄉亭子好明月，近在白沙江上頭。
有約城南竟相負，方山羅綺不禁秋。

為辟疆書事同玉隨四首

漁洋詩卷十一

十一

公子游龍賦名家，射雉場秦樓人自媚。
隋苑草新芳暮雨，方離合微波竟渺茫。
謝郎無限恨，簫鼓嫁文鴛。

但得人如月，寧論餅計金。
可憐分鈿合元不解琴心。
烏鰂書難定，黃龍誓莫尋。
秋來螢苑裏，愁絕女郎砧。

秦淮河上水遙向，莫愁湖密意雙針。
縷新歡十斛珠，神人虛解珮絕代。
失當壚便作人闌，恨羅敷自有夫。

不返空成憶無雙，始繫情香奩零粉在錦瑟。
暗塵

生水綠江潭苑花飛白下城哀蟬將落葉此怨幾

時平

此首專為董少君也

七夕二首

吾家王子好吹笙
七日縱山來下迎仙路已昇白
鶴馭人間長憶鳳凰鳴
却思嵩嶽無消息欲把浮丘隔
太清明日江頭看句曲好尋丹竈謝浮名
十里銀河乞巧樓揚州風露碧雲秋
家家少婦明星酒紈扇驚心向女牛

真州即事

夕陽沉沉水增綠
萍花柳花相斷續
十尺長橋八

三〇七

漁洋詩卷十一

十一

幅舟人家何似青谿曲

大觀樓新成二首

如練江光照素秋
層城縹緲見飛樓
披襟欲攬三山色
濯足真臨萬里流
帆出雲中開島嶼
人從鶴背俯滄洲
泠然竟日能忘返
蠟屐何妨續勝游
白蘋洲上望南徐
高閣如霞切太虛
江左名流能坐嘯
玉京仙子好樓居
吳王城郭秋風裏
楚塞帆檣落日餘
更向夜涼彈寶瑟
三山空翠滿衣裾

再答胡崱孩長沙書

嶺表音書闊湘江驛使稀
春風斑竹長暮雨鷓鴣

飛地溼官仍拙時清顏豈違那能衝瘴癘十月夜

郎歸

時歸自黔中

閨七夕海陵北郭有懷家兄二首

臨秋水增綠向夕景微涼卷幔層城外停橈嘉樹
芻坐深魚鳥興行惜蕙蘭芳太息鳴蜩晚能令楚
客傷

流螢尚深照靈鵲復重過雲水懷人遠江山秋思

多涼宵鑿華月幽怨向明河遙憶橫汾曲西風揚

素波

時奉使山右

秋日昭陽道中二首

漁洋詩卷十一

十一

荷葉未殘皆著水楓林初脫尚含煙西風北去昭

陽路處處竹枝聲可憐

中流曉日見帆影夾岸垂楊多釣磯一路漁村好

風景神鴉欲落白鷗飛

南曹橋

十日湖頭賣蓮子不知菡萏尚能花南曹橋畔田

田路舟入香風一道斜

昭陽舟中讀閨秀徐幼芬遺詩因寄李季子

二首

昭陽北望景依依江柳嫩黃燕鴈飛空憶謝家才

調美青絲曾解小郎圍

自來學得謝公棊博士風流幼婦詞未免有情看
不得橋南荀令斲腸詩

幼芬七歲能與父弈

題李氏曼園水亭二首

君家亭榭好漁浦在亭中朝夕登臨意邈然江海
同當杯上明月送客起樵風疑有秦人在言從世
外逢

苔蘚山邊路玲瓏巖洞深朱華低冒水碧竹散成
林香積梅檀氣溪流鐘聲音維摩猶示疾方丈一

披襟

園有苔蘚山

三子字六

漁洋詩卷十一

十四

百花洲上拜宗方城祠二首

懷古城南路輕舸溯碧流典刑一茅屋風物百花
洲野渡神鴉集西風苦竹愁斯人如旦暮三歎獨
淹留

跌蕩黃初彥名高著作庭風塵多怨慕江海颯飄
零大筆留淮海仙蹤寄幔亭斯文吾後死惆悵下
煙汀

九日懷西樵先生

西風使節渡河汾故國鴻書杳未聞瓜步素波初
嫋嫋蕪城黃葉已紛紛東籬花發空殘照北固樓

高祇暮雲今日隋堤見楊柳弟兄不見感離羣

九日風雨往淮陰舟中懷珍示不雕我建元
式正求醴若歸吳中二首

泥滑天陰廿四橋一帆送汝過金焦維摩樓畔飛
寒鴈伍相江頭落暮潮別路茱萸灣漠漠打船楓
葉雨瀟瀟劇憐佳日翻成別臨水登山思轉遙
滿庭黃菊雨初寒送遠悲秋強盡歡祖道莫辭吳
苑酒江流遙挂楚雲端雞臺花冷人離別鶴市煙
深路渺漫此去南徐經北顧宋公遊處更南看

舟中桂花盛開感賦

漁洋詩卷十一

十五

去秋鎖院秦淮裏桂子香飄月如水今秋船泊楚
江涯開徧船牕金桂花秋去秋來渺何許歲歲年
年滯江浦招隱歌殘人未歸西風坐厭淮南雨

帶經堂集卷十一

帶經堂集卷十二

歛門人程哲校編

新城王士禎貽上

漁洋詩十二

辛丑稿

讀唐劉商秋夜聽已童唱竹枝歌輒衍其意
作四絕句傳之好事者

白鹽山下虎蹄新笠子蓑衣穩稱身朝見行雲暮
行雨峽中三月杜鵑春

綠蕪千里水連天雲裏依稀下峽船斲鴈冷爔齊
淚落巴東何處有人煙

儂家住處是三巴身寄秦關夢到家阿母縫衣今
又綻三年不見木棉花

三五〇二

漁洋詩卷十二

一

雁鴻歲歲向南飛作底巴渝書信稀身是巴人甘
楚俗每看鴈去一露衣

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼
宮鴉鹿盧曉汲銀河水黃奴慵起倚隱囊瓊枝壁
月交輝光貴人夾坐詩先就狎客擘牋歡未央玉
樹歌闌方競媚桃葉山前陳鐵騎青龍飛出建陽
門羣鳥空呼奈何帝可憐拂檻曉粧時入井倉皇
邇得知千載畫圖猶省識石欄紅淚黥胭脂

和吳淵穎題袁子仁已船出峽圖

桃花夜泛三川水蜀中估船日千里錦官城外指
東吳萬里行當自茲始金牛玉壘向天開朝雲突
兀瞿唐堆飛流一瞬下萬仞長年屏息顏如灰峽
中無人但煙霧杜宇聲悲客行處已巫迎神歌竹
枝忽見雲安郭邊樹上峽懸撞下安流東風吹送
江陵舟却從一幅鵝溪上鬢髯三刀夢益州

天寧寺

黃葉城東寺閒將坐具來談禪松子落留客竹園
開幾日過休夏何年見渡杯相逢有都講初地一

漁洋詩卷十二

二

徘徊

畫荔支

以下十六首為周櫟園司農題雜畫冊

愛道天南五月時側生作實正離離今宵畫裏分
明見飽向楓亭擘荔支

江城雪景圖

曉寒生朔吹密雪覆江城水閣家家掩扁舟何處
行

程端伯畫

憶向蟠螭山下過虎橋松畔暫停舟依稀光福雲
中煇春雨新添上壑流

陳洪綬水仙竹二首

清冷池畔梁園種，奈此生綃素影何。更寫東阿舊時恨，芝田館外見凌波。

鹽瓏疎影玉纈紛，比似江梅迴不羣。特向蒼梧分一本，淚痕斑處伴湘君。

葉欣畫

秋山高不極，草閣煙深處。紅樹覆驚湍，青松蔭枉路。欲訪山中人，前溪幾迴度。

程端伯畫

琴中賀若誰，能解詩裏淵。明子細尋古木蒼山數

漁洋詩卷十二

三

茅屋青溪遺老歲寒心

趙澄烟雨行旅圖

烟雨千山合，行人何處歸。前途望不極，雲氣溼征衣。

陳涉江畫

絕壁亭亭瀑布分，諸峰欲雨氣氤氳。遙看一片蒼茫裏，惟有孤松和白雲。

劉度仿李迪畫

清谿當谷口，石徑入寒林。晚向前峰去，溪流應更深。

樊圻畫二首

初地離人境，千松繞寺門。
前山飛鳥處，鐘磬自朝昏。
疑有豐干住，繩牀虎跡存。
何時行脚去，台宕息諸喧。

蘆荻無花秋水長，澹雲微雨似瀟湘。
鴈聲搖落孤舟遠，何處青山是岳陽。

葉欣畫

偶來獨立碧谿頭，石磴茅亭白日幽。
風雨欲來山欲暝，萬松陰裏颯寒流。

施霖畫

漁洋詩卷十二

四

叢篠陰中破竹廊，四圍山色鬱蒼蒼。
道人閒即支牕坐，坐愛青溪白日長。

出峽圖

偶寫西陵路，如聞三峽流。
亂山千萬疊，何處是夔州。

李圻瞻畫

君家涇水陽，終南在當面。
紫閣與皇陂，宛向圖中見。

贈鶴歌與汪荅文

年來買得青田鶴，飲啄蕭然傍官閣。
三疊琴中素

雪飛一聲夜半清霜落主人本自江海情對爾襟
期放寥廓太湖隱者浮丘公忽乞籠歸伴寂寞高
致寧謀鴈鷺餐新知況有丘樊樂寒雨橫江晚唳
時相思應寄梁園作

送茗文歸蘇州

相逢草草去匆匆悵望南檣路幾重明發便看京
口樹殘宵同惜廣陵鐘風前鴈影愁千里杖底梅
花踏萬峰問評鄧侯無恙否曇西煙水擬相從

楊枝紫雲曲戲代其年二首

名園一樹綠楊枝眠起東風踈地垂憶向灞陵三

二九九十五

漁洋詩卷十二

五

月見飛花如雪颭輕絲

黃金屈膝玉交杯坐燼銀河葉上灰法曲只從天
上得人間那識紫雲迴

催粧詩為吧瞻作二首

楊柳江潭曲絲絲劇可憐神人如洛浦公子本秦
川夢緩銀篝裏春酥玉鏡前欲知雙意合常似博
山煙

儂住青溪岸新歡白石郎魂銷三閣曲水學九迴
腸徐庾輕華體齊梁淺淡妝春來雙燕子先到莫

愁堂

董公祠

董公祠廟已荒涼憑弔西京意倍傷漫以園陵勞
主父祇將經術奉驕王時逢明主身空老志在春
秋道正長我自愛傳繁露學玉杯曾問廣川鄉

歲暮懷人絕句三十二首

老去青溪丁繼之秦淮水閣照花枝曾同翦燭談
天寶一夜吳霜點鬢絲丁布衣胤

方今才子數平陽睥睨千秋不可當攜我倚齋一
雙鶴罷官長嘯洞庭旁汪比部琬

昨日人傳潁川死不禁淚向汝南枯今朝雪苑逢
漁洋詩卷十二

人說意氣依然向酒壚聞劉比部體仁死近訪之彭君云今年秋見之歸德携妓豪飲如故也
忽夢鄢陵梁御史熙相逢似在大梁城談禪頌酒

猶能卮側望中原無限情
南海翩翩程舍人可乘輅東過嶧湖濱新詩憶我

湖亭上歷下山川為汝新
乳山老人年九十龐眉訪我秣陵城神光人物晨

星在却遣前賢避後生林翁古度在金陵窮甚年九十矣

風流文采推彭十孫宮體新詞徐庾前聞向金臺

蕉萃絕誰同碣石更談天

送汝玉山歸草堂焚魚學士太顛狂尊前莫話

先皇事灑向江湖淚萬行

葉編修方藹

哲兄擁傳太行東題詩萬字飛龍宮傳來奇氣動

江表不與時流粉黛同

家兄奉使山右有飛龍宮詩最奇

廣平申大今詞傑光未識容顏眼便青遠寄新詩

向隋苑懷人偏在竹西亭

閩中奇士徐延壽欲向湘南賦卜居此去相逢紀

伯子道子問評今何如

映鍾

謝郎玉樹應非舊唐觀瓊花半已凋今日相逢如

夢寐禪牀歌板雨蕭蕭

丁景呂弘誨往贈予詩云風神欺玉樹逸興問瓊花今相見揚州如夢中

事

漁洋詩卷十二

七

風塵憔悴趙黃門

進美

嶺表遷移役夢魂昨見端州

書一紙說詩真欲倒河源

日華宮址蔓寒煙雅樂消沉絕可憐今日李郎行

部去風流家世本秦川

李圮瞻念慈

敬亭山色謝公樓春穀溪邊水閣幽忽憶朱幡江

上去潯陽九派不同流

施參議閨章

西南諸國滇為大六詔新開棘道平應憶松江蓴

菜好却將老眼看昆明

張友鴻一鶴

佳歲奢寅覆兵卒至今兵氣水西寒許生善病耽

高臥蠻府參軍道路難

許竹隱

平山堂遍修禊日鳴壚洞畔把杯時南譙病客噉

崎甚為我揮豪醉不辭

吳編修國對

遺我閩詩鄭善夫憑凌騷雅謝枝梧荔支香色君

須說却懼霜蓬覺社湖

柴洞門開歸自闕

籍籍蘭陵四才子陳黃鄒董各名家難忘雪夜吳

兒曲簷角寒梅正作花

陳秀才維松黃比部永鄒進士祇謨董秀才以寧昔夜雪同飲訂士

宅觀劇也

吾家給事

北山曰高

耽吟事西掖拋書夢白雲抗疏已凌

霄漢上況看彩筆更紛紜

許秘送窮邗水上方文抱甕治城西雞籠山畔茶

漁洋詩卷十二

村老

杜睿

零落才名灌藥畦

侍御平生左氏癖閉門日讀春秋經偶然按部西

江上詩滿廬山九疊屏

傅彤臣辰

平生師友古人心不似盱江風義深閒向白蓮尋

舊社門生籃輦過東林

楊集虛日升為南康教授

鴛湖春至水波明遙憶美人千里情白袷風流誰

不羨一朝懷古漢王城

曾道扶王孫

清泉芳樹任城水柳暉文詞世所知太息楊生今

宿草南池風景古今悲

柳公隆壽楊聖宜通久楊浸諭年矣

花時曾過九龍山第二泉邊挹妙顏讀我新詩汲

泉水道鄉祠下古松間

鄒流綺

奈山山人不出山高情真與白雲閒當年入洛常

驚座說劍縱橫側目間

吳布衣
懋謙

焦穫奇人孫豹人

枝蔚

新詩雅健出風塵王弘不見

陶潛迹端木寧知原憲貧

吾家兄弟烏衣舊阿大中郎各擅名蹤跡飄蓬半

南北獨憐仲子汶陽耕

叔兄子側南來仲
兄禮吉在里中

九仙仙人丁野鶴挂冠仍作武夷遊齊名當日丘

靈鞠藎骨青山向幾秋

丁惠安擢亢丘
謂高要石常也

甬水旁邊昔結廬七年骯髒困泥塗乾時戰處多

三五五九

漁洋詩卷十二

九

荒壘不用悲歌弔望諸

于回狂維世赤
山覺世兄弟

寄答茗文吳中書二首

光福鎮前白鶴飛崦東嶮西雨霏微舊遊正及梅

花叢憶爾漁陽桑葉稀三載漫求方朔米此行真

息漢陰機烽煙滿地憂租稅石室金庭少是非

夫君蟬蛻辭軒冕徑欲石公山下居秋晚洞庭收

橘實月明震澤釣鱸魚直從角里尋真隱莫問明

庭有薦書抗跡何妨五湖長由來名士半樵漁

送陳大其年歸宜興

雪霰毗陵道煙霞陽羨天山從洞庭起水與貢湖

連陳子青雲客巖居傍善卷那能乘白鶴及爾御
風煙

送涓來侍讀歸楚二首

送君遊九華婀娜江帆起一聞秋浦後淚滴池陽
水

解纜銅陵江是向黃州路不見雪堂人江關邈煙
樹

家兄奉使山右寄新詩至感懷

西望河汾秋氣繁寄詩猶及鴈南翻江淮水落思
千里苦竹寒蘆何處村

二五五三

冬日登海陵廔香閣

漁洋詩卷十二

十

檻外紅梅初吐萼千枝萬朶壓簷低淮南斜日登
高閣目極寒蕪雪漲溪

詠菴言河北遇駿孫悵然有懷

三載夢鹽官相思寄蕙蘭何時過瓜步幾日向長
安已慮山東盜仍愁薊北寒君門猶萬里嗟爾路
塗難

懷夢沙

憶汝經年病稀看尺素來早梅逢鄧尉春草夢銅
臺賦稅時方急風騷道未灰中原正戎馬能得幾

銜杯

頻歲

頻歲孫恩亂，颿檣壓海頭。
傳烽連戍壘，野哭聚沙洲。
司馬能清野，天吳漸穩流。
江淮非異土，飄泊汝何憂。

淮陰雪夜

昨歲釣臺大風雪，今來風雪又維舟。
枚皋里畔樹不辨，淮陰祠前冰亂流。
俛仰古今可太息，側身天地多煩憂。
苦聞渤海金笳動，故國何因得散愁。

蔣修撰述天台之遊

漁洋詩卷十二

十一

太史三茅隱，朱顏薄世榮。
言尋沃洲路，遙向赤霞城。
語識寒山妙，詩同太白清。
石梁橫地底，今夜夢經行。

送吧瞻

隋堤攜手罷，遙指甘泉山。
風物秋冬際，清樽離別顏。
王程趨渤海，故里夢潼關。
三輔神京近，思君霄漢間。

送徐存永歸閩攜家之湖南

舊家楓嶺外，去住復何言。
海上田園失，歸途雨雪繁。
家移建溪水，人聽楚山猿。
未弔長沙傅，知君已

斷魂

秦郵曲二首

孟湖蕭蕭風色秋神鴉競食嘯漁舟夜半湖心明
月上還疑神女弄珠遊
今年孟冬河水乾萬夫畚鍤聚河干行河使者黃
符下敢道無衣風雪寒

憶妙高臺寄崑崙子

憶送金山目東南梅雨開江山紛滿眼風日淨浮
杯遺像尋坡老披襟上古臺塔鈴晴獨語懷想思
悠哉

塔上一鈴獨自語明日風波當斷渡坡金山詩也

三九八十六

漁洋詩卷十二

十二

寄竹林寺諸道人

瀟灑城南寺亭亭千竹林澗流殘雪積春氣遠江
陰石壁牕中直梅花臘後深戴公山下路扶病憶
登臨

葉訥菴自吳中寄予長歌兼示金山見憶之
作醉後放歌奉答

昔者我登浮玉山大江駭浪流潺湲岷峨萬里在
眼底荆門郢樹浮杯間彭城蘭陵一朝盡令我嘅
歎愁心顏此時側望天北極漁陽莽蕩連雄關玉
堂美人侍帝側兩年不見飛鴻翼海內憑誰論素

心夢裏思君見顏色蒼梧慘澹雲氣深九疑絲邈
瀟湘陰重瞳南巡忽寂寞園花陵草俱霑襟聞道
高陵變深谷即看碧海飛黃塵雲霄侍從幾人在
飛蓬落葉愁春心夫子盛年何婉孌日夕含香玉
皇殿衆中獻賦欲凌雲御前騎馬如飛電即今蕉
萃百不如落拓江湖復相見吁嗟哉人生遇合亦
偶然雄飛雌伏皆可憐不見東方曼倩號大隱金
門據地歌向天又不見開元天子盛文藻隴西王
孫稱謫仙調羹未罷夜郎謫至今青山采石垂千
年君家況近崑山麓二陸臺邊結茅屋放鶴朝從

西鹿歸采蓴夜向南湖宿感遇終懷國士恩憂時
莫效長沙哭三山圖畫一江分何日題詩共夕曛
妙高臺上江如練南望姑蘇是白雲

帶經堂集卷十三

歙門人程哲校編

新城王士禛貽上

漁洋詩十三 壬寅稿

雜題蕭尺木畫冊六首

旛影依稀選佛場
白雲深處劇清涼
迢迢澗水空
花出寂寂寒山貝葉香

山城水郭蒼茫裏
曲棧疎林遠近中
太息歐湖老
詩史直將勁筆壓關潼

簞簟沿溪踏亂流
秋深蘆荻風颼颼
若得五湖三
畝宅便須隨汝釣槎頭

二五十一

漁洋詩卷十三

一

平生酒態嵇中散
目送飛鴻坐竹林
閒向梅花彈
一曲落花亂點碧流深

松有萬古色
瀑如三峽流
何人白雲裏
濯足對清
秋

七里瀧前江水迴
圖中風物使人哀
如聞擊石歌
朱鳥慟突巖陵舊釣臺

謝皋羽
西臺圖

題棧道飛雪圖送曾道扶之漢中

西指褒斜路
淒然送遠心
千峰盤雪棧
數騎出雲
林蜀道連天起
秦關入望深
今宵畫圖裏
如聽暝

猿吟

二月五日淮陰作

二月五日春已半淮南風物劇駸駸麥苗亂茁垂
楊岸蝴蝶交飛花樹林白羽徵兵吳會遠黃巾掠
地海堧深何時戍罷狼烟淨擊壤常從田父吟

環溪觀玉蘭同朱秋厓陳冰壑

淮南二月好天氣八寶城中春鳥鳴溪閣客來尋
舊約辛夷花發值新晴迴風雪霰當杯落遲日雲
霞拂檻生杏葉柳枝俱髣髴驚心被袂逼清明

送茗文之京二首

淼淼江湖春水生淮南風景過清明故人恰向愁

漁洋詩卷十三

二

中至感激真從難後平竹外寒煙瓜步鎮花時細
雨廣陵城謝公埭下通宵語酒冷香殘十載情

潦倒徒成未拂衣疎狂真與世相違南徐載鶴橫
江去西磧看花壓帽歸此去故人京雒少莫教遠
道尺書稀嶺南程五如相問爲道維摩減帶圍

載鶴

探梅皆予與茗文近事
程五謂周量會元也

與茗文同舟至露筋祠下予之淮陰却送茗

文暫返揚州

參橫月落露筋祠午夜單衣共賦詩君反南行予
向北異時主客足相思

絕句

波遶雷塘一帶流至今水調怨揚州年來慣聽吳
娘曲暮雨蕭蕭水閣頭

寄陳伯璣金陵二首

左司寂寞襄陽遠陶謝千秋不可追江表羈人驚
坐客風流重見五言詩

東風作意吹楊柳綠到蕪城第幾橋欲折一枝寄
相憶隔江殘笛雨蕭蕭

贈蔣修撰

盧橘已垂實楊梅初滿林仙人一相訪樽酒話同

ニカクナ

漁洋詩卷十三

三

心天台煙霧遠華陽丘壑深平生山水意茲夕寄
瑤琴

送周量歸南海

終古傷心地蕪城落日時西風正蕭瑟歸客欲何
之獨折隋宮柳同吟謝朓詩珠江連貢水天末好
相思

紅橋絕句二首

舟入紅橋路垂楊面画風銷魂一曲水終古傷隋
宮

水榭迎新秋素舸自孤往漠漠柳絲飛時時落波

上

閔園曉起作

江城曉日上林壑如初沐庭戶闋無人茗香睡方
足荷氣吹枕簟禽聲媚幽獨鳧鷖破溪白莓苔覆
山綠淡坐欲忘言清風灑修竹

秋日題閔園水亭

南人習煙水結屋如舫居真州水木多城市通樵
漁一溪納三江潮汐相盈虛茆亭碧谿上浦激臨
前除曉風斷蒲響夜露幽花舒孤雲散天末好鳥
鳴午餘緬懷華林歎持此謝簪裾

漁洋詩卷十三

四

真州絕句六首

揚州西去是真州河水青青江水流斜日估帆相
次泊笛聲遙起暮江樓

白沙江頭春日時江花江草望參差行人記得曾
遊地長板橋南舊酒旗

曉上江樓最上層去帆婀娜意難勝白沙亭下潮
千尺直送離心到秣陵

江干多是釣人居柳陌菱塘一帶疎好是日斜風
定後半江紅樹賣鱸魚

江鄉春事最堪憐寒食清明欲禁煙殘月曉風仙

掌路何人為弔柳屯田

柳耆卿墓在城西仙人掌

十三嬌女髮初齊解事春來夢大堤嫁與襄陽賈
人子牕中學唱蹋銅蹄

招鶴行

淮南七月秋水時橫空何處凌霄姿離離烟嶠不
可見江雲坐對空相思竹亭搖落鶴柴晚忍聽故
侶鳴聲悲主人與爾義非淺維山明月常追隨蕪
城官閣無所有老梅修竹交橫枝六鶴迎秋警寒
露昂然人立何參差有時援琴舞三疊落花寂寂
吹涼颼臞骨自知違世用蓬萊方丈恆相期尉羅
徧地畏彈射嗟爾此去將安之駕鵝鷺滿陂澤
此曹與爾多然疑鶴兮歸來歲將暮白石蒼苔待
高步

新秋揚子橋舟中

秋聲渡揚子一雨涼颼發秣陵暮潮歸瓜步殘鐘
歇無事悲客心曠如久離別橫笛起宵闌孤蓬見
微月

奉和李侍郎讀水經注懷洞庭之作

楚望經時入宵冥岳陽樓上數峰青曾臨南極浮
湘水坐對西風憶洞庭斑竹好從春後長落梅猶

向笛中聽新詩吟罷愁多少腸斷當年帝子靈
憶真州舊游有感

樓
夢裏白沙洲茫茫始欲愁佳期不可見風雨上西

九日平山堂二首

昔曾游處景依稀第五泉邊舊路微日暮江城聞
玉笛便無離恨已霑衣

九日登臨帝子家夕陽人影玉勾斜尊前莫話南
朝事幾樹垂楊有暮鴉

題伯璣姬人小像五首

漁洋詩卷十三

六

水晶簾下曉粧餘明鏡香奩映讀書不是琴心感
消渴茂陵誰識病相如

廣陵秋色秣陵春江上青山畫裏人閒却銀箏理
禪板可知人月是前身

自在烏龍卧錦茵一枝桃竹淨無塵而今始信陳
王賦曾向楊林邁洛神

黛螺幾斛藥奩隨浮渲新妝淺淡宜記得藁砧詩

句好晚晴山色斂眉時

末七字伯璣
寄內語也

憐才真復可憐生紅燭當筵與目成最是後堂人

靜後垂簾私語記卿卿

江東

江東人物舊難儔遺老飄零半白頭斑管題詩吳

祭酒

梅村

紅顏頹曲袁荊州

韓菴

太常縑素雲煙落

烟容

宗伯文章江漢流

牧齋

徑欲相從破蕭瑟片颿高挂

五湖秋

張友鴻歸自雲南在京口寄予画卷自題詩

云別一山川氣候更迢迢萬里不勝情歸

來蕭瑟餘詩卷畫得煙霞記遠行覽之愴

然答以是詩

江南草綠蝴蝶飛遊子新自滇南歸滇南遙遙一

萬九千

漁洋詩卷十三

七

萬里遊子思歸夢江水前年送君廣陵城桃花落

盡春潮生去年憶君在京口西津渡外千楊柳桃

花柳花又一時吾徒踪跡仍天涯何時共酌秦郵

酒却話昆明畫裏詩

吳公臺懷古

大業那堪問長城忽有餘回頭成一笑三十六封

書

長至後五日送家兄子側歸里

淮南凍雪一千里客子胡為今日行吳楚漸傳春

氣至金焦雙照大江明池塘春草愁中夢隴首秋

雲馬上生欲別并州幾回首親闈今在廣陵城

渡江泊京口閘下

京口煙波路茫茫集百端斜陽半江暝殘雪五州
寒水向東吳去山從北固看候潮愁不寐轉覺夜
漫漫

京口懷家兄子側

丁卯橋邊夜泊時估船燈火酒家旗不堪回首瓜
洲笛江北江南繫所思

金山僧舍有以仿舫名者題一絕句

叢篁片石冷于秋檻外寒江深不流漁笛一聲天

漁洋詩卷十三

八

際起不知是舫是僧樓

將抵毗陵寄雲孫訐士文友

初罷丹陽酒天寒旅思驚暗潮黃歇浦殘雪呂蒙
城水驛煙中飯山橋樹杪行作書報諸子傾倒極
平生

青暘道中四首

畫舫煙中樹青山水上樓澄江風物好殘臘只如

秋

黛色橫天際蒼蒼秦望山東巡殊不返流恨此山

間

修竹被晴川淪連映空曲日夕雪初消人家在寒
綠

門對青陽橋家近芙蓉湖與郎相憐惜為郎歌拔
蒲

江陰何明府邀登君山二首

澄江山作郭郭外即江流共說君山秀蒼蒼江上
浮微茫天水合蕭颯亂帆秋不見春申墓松聲迴
暮愁

楚相何年邑淒涼此獨經棘門成宿草浮遠祇空
亭上有亭名浮遠半壁收吳楚空江入杳冥却思洞庭上一

漁洋詩卷十三

九

十二峰青

鄧簡討招飲梅園

暨陽城外路倚櫂數寒鴉何處吹橫笛江南雪後
槎故人碧山隱招我問梅花更上花間閣香山數
點斜數前上聲後去聲

梁溪西路曉叢

梁溪五湖口曉望亦悠哉翠嶂九峰合明流一鏡
開潮連申浦去帆映錫山來好趁樵風便輕舟任
溯洄

高橋曉望惠山却寄修遠留仙心甫流綺

清鹽披衣起開簾見九峰煙深微辨樹潮落緩聞
鐘秦塢望中近高流何處逢無能品泉水與爾跌
長松

舟中望惠山口號

芙蓉江上迴颿鼓漁具蓑衣一夜還買得蜻蛉小
如葉推篷看煞九龍山

毗陵道中寄珍示我建

歲晏江南客棲遲歎敝裘青山吳苑路紅樹晉陵
舟幾處霜前雁誰家水上樓尺書知未達遙夜夢
蘇州

漁洋詩卷十三

十

同楊西印副使蔡齡若秀才夜登觀音山眺
曲阿後湖放歌

我昨南渡登金焦鯨魚跋浪生風濤更上君山俯
震澤長江萬里窮秋毫五日探奇興不盡曲阿城
畔來登高觀音山高高百丈星辰羅列捫層霄懸
崖絕磴挂猿臂崇巒疊嶂森松毛山巔作亭瞰飛
鳥湖光山色相週遭練湖一萬六千頃勢與江海
爭迢遙淵注渟著古所歎滄桑磨滅非前朝風景
不異謝郎死我來憑眺凌寒宵長嘯空山答山鬼
驚飛鷗鷺求其曹滄波混茫接元氣有如盂水浮

堂坳馮夷擊鼓百靈集金支翠羽光飄搖是時月
黑風怒號萬弩突射錢塘潮蛟龍鬣鬣時隱現靈
胥慘澹天吳驕高麗長山互鈎帶六州一氣迴斗
杓楊公蘄黃昔開府坐清江漢真人豪蔡生白哲
美無度頗能飲酒歌離騷東吳菰蘆有君輩力鞭
巨石驅神鼇練塘一勺好栖託結鄰未卜心空勞
酒闌歌罷意惆悵煙江明日橫輕舸

潤州曉渡用皇甫冉萬歲樓韻却寄蔡芬

練湖分艇悵何依北渡迴看雲樹微白下西來潮
正落丹陽南去雁還飛笛殘遠步新愁集酒醒江

漁洋詩卷十三

十一

關旅夢稀鐵甕城邊重懷古當年萬馬蹴重圍

白沙江上同許士珍示不雕送別公戡

前年別燕市聞君欲往蘇門山今年渡京口逢君
乃在金焦間吾曹踪跡定難測世上無人解胸臆
爲郎三月忽自罷著書萬卷誰能識君家林園清
潁東眼中萬頃琉璃風譙南泣水一片地讀書射
獵兼春冬白沙江頭北風作層冰如山雪初落吳
歌楚舞且盡歡酒酣更上江深閣

別公戡後却寄二首

三年一相見相見還成別今夕滁陽人應夢鑿江

雪

江天一夜雪不辨孤村路時聞斷雁聲遙向江南去

作家書後戲題紙尾寄吏部西樵給事北山
兩兄

松菊廬荒徑未鉏雲霄地遠夢全疎橙黃橘綠好時節且向江南噉鰕魚

蓉江寄牧翁先生

芙蓉江上雨廉纖東望心知拂水巖共識文章千古事直教仙佛一身兼夜聞寒雪推篷笠春惜濃

方辛

漁洋詩卷十三

十三

花側帽簷兩到江南不相見少微空向老人占

題趙澄畫

以下十二首為櫟園司農題畫冊

煙柳南朝寺風花建業城年年春盡日玉笛喚愁

生

鑿江舟中雪霽月出即事題鄒詰畫

拂曉春寒重揚帆急霰侵月明生水際積雪滿空林岸火推篷近漁菴閉戶深平生剡溪興茲夕是

山陰

陳洪綬梅

鄧尉山中千萬樹老蓮筆底兩三枝孤檠坐對鑿

江夜夢到銅坑雪霽時

葛一龍枇杷

洞庭詩人葛震父画成盧橘亦清蒼想他縹緲峰
頭坐快寫西林五月黃

葉欣畫

雞犬桑麻如上世山青水碧自成村桃花萬點春
三月時有東風為掃門

亾名氏畫

蘆花蕭蕭山氣陰橫笛吹作蒼龍吟一聲入破鐵
皆裂舉世無人知我心

二方世亨

漁洋詩卷十三

十三

項聖謨雪景

西湖上日鶯花好特寫荒寒一片山知有何人耽
寂寞雲林煙雪有無間

暉香山千巖競秀圖

萬壑千巖雲霧生曹娥江外幾峰晴分明乞與樵
風便身向山陰道上行

馬士英畫

秦淮往事已如斯斷素流傳自阿誰比似南朝諸
狎客何如江令擘箋時

葉榮木離宮秋曉

翠華寂寂罷宸遊苑樹聲淒碧水流一片敗荷千
點葉靈波宮外不勝秋

楊補畫

布衣曾說楊無補筆墨風流自一時留得永嘉遺
蹟在殘山剩水也堪思

寒林獨釣圖

江湖敲枕夢風雪折竹斲橋人不行笠箬在船蓑
在背漁洋山下足吾生

漁洋詩卷十三

十四

帶經堂集卷十三

12024

